

UKWATI WA MWANAMBERERE

 Yewo, M'bale Edmonds. Fumu yikutumbike iwe.

Monire, wabwezi. Uwu ndi mwaŵi kamozaso usiku uwu kuŵa kuno mu Fellowship Tabernacle. Para ine nanguti najumpha kufupi, kumuhanya uku, ndipo nangulaŵiska apo uyu wakaŵa, ndipo nanguwona lizgu lakuti “Wenenawene,” ilo languniwonekera lakwenerera waka ine. Ine nkuchitemwa icho, M'bale Edmonds. Wenenawene, icho ndicho ise tikugomezga.

² Mubwezi wane wakale, uyo waruta waka kukaya kukakhala na Fumu, wânandi âwa imwe panyake mukamumanyanga iyo, Dr. F. F. Bosworth, wânandi âwa imwe. Iyo wakaŵa kuno mu Phoenix, ine nkugomezga, na ine nyengo yimoza, munthu wachikanga chomene. Ndipo iyo wakaŵa...wakaŵa—a... Iyo wakaŵa mwanarumi mulara mutuŵa, kweni wakaŵa wa milangwe. Ndipo iyo wakayowoya kwa ine, nyengo yimoza, iyo wakati... Ine nkharutirira kuyowoyanga za wenenawene. Ndipo iyo wakati, “M'bale Branham, iwe ukumanya kasi wenenawene ndi vichi?”

Ine nkhati, “Enya, ine nkughanaghana ntheura, M'bale Bosworth.”

³ Iyo wakati, “Ndi wânthu âwâiri mu sitima yimoza.” Ntheura, ndipo uwo pafupifupi mbunenesko, kugaŵananga chipinda yumoza na munyake.

⁴ Ndipo ine nanguwona wânandi âwa imwe mukukwezga muchanya mawoko ghinu, za kuti mukamumanyanga M'bale Bosworth. Pakuŵa kuti—kuti imwe mukamumanya iyo, ine nkukhukhumba kuti ndiyowoyepo waka lizgu za nyengo yake yaumaliro pano pa charu chapasi. Ine nkhamumanya iyo kwa nyengo yitaliko. Ndipo iyo wakaŵa kuwaro kuno kupharazganga Ivangeli na kuromberanga âwarwari, pambere ine nkhaŵa nindababike. Ntheura imwe mungamanya kuwona msinkhu uwo iyo wakaŵa. Fumu yikamuzomerezga iyo kukhala wamoyo, ine nkughanaghana, pafupifupi virimika eyite-fayivi, chinyake ngati icho, ndipo kweni mwanarumi mulara ndipo wachikanga para iyo wakafwanga.

⁵ Para iyo wakaŵa sevente-fayivi, ine nkugomezga wakaŵa, iyo na ine tikaŵa ku...Ine nkugomezga, Edgemont Hotel mu Miami. Ndipo ise tikaŵa na chithu—chakurya chithu chakugonera, ndipo tikaruta mumphepete mwa nyanja uko majigha ghakizanga, kuti tiwone mwezi ukufuma. Ndipo ine nkhaŵa apa, pafupifupi virimika fote vyakubabika, mapewa ghane ghakabwanthuka, kwendanga ngati ntheura. Ndipo iyo, pafupifupi sevente-fayivi, wakunyoroka waka umo iyo

wakamanya kuŵira. Ndipo ine nkhamulaŵiska iyo, ndipo ine nkhamurumba iyo. Ndipo ine nkhati, “M’bale Bosworth, ine nkukhumba kuti ndikufumbe fumbo.”

Iyo wakati, “Fumba, M’bale Branham.”

Ndipo ine nkhati, “Mphauli apo iwe ukaŵa pa uweme chomene?”

⁶ Iyo wakati, “Sono nthena.” Enya, ntheura, ine soni zikunikora ndamwene. Ndipo iyo wakati, “Iwe waruwa kuti ine ndine waka mwanichi, nkukhala mu nyumba yakale,” iyo wakayowoya. Ndipo yura wakaŵa M’bale Bosworth.

⁷ Para ine nkhati napulika kuti iyo waruta kukakumana na Fumu, ine pafupifupi nkawotcha matayara gha galimoto yane, kurutanga ku Miami, kuti nkhamuwone iyo. Ndipo para muwoli na ine tikati tafika kula... Ndipo banja la Bosworth na banja lithu tikaŵa paubwezi ukuru. Ndipo ise tikanjira. Sekuru mulara chigonere pa mpando uchoko. Ndipo iyo wakauka, mutu wake uchoko wa chipala, pachoko, mawoko ghakughanda wakaghanyoroskeria kwa ine, ngati *ntheura*. Masozi kukhiranga mu matama ghane. Ine nkhamukora iyo mu mawoko ghane, ndipo ine nkhalira, “Adada wâne, adada wâne, magareta gha Israel na wâkukwerapo wâke!” Chifukwa, usange wakaŵako mwanarumi mulara uyo wakapereka ntchindi mu chakuchitika cha Pentekosite, wakaŵa M’bale Bosworth. Iyo nadi wakaŵa. Iyo wakaŵa luŵa likuru.

⁸ Ndipo imwe mukumanya, chinthu chakudankha iyo wakukhumba kuchita, ndi kundiphalira ine nthabwara pachoko, ngati ntheura, imwe mukumanya.

Ndipo ine nkhati, “M’bale Bosworth, kasi iwe uŵenge makora?”

⁹ Iyo wakati, “Yayi, M’bale Branham. Ine narwara yayi, kuyamba na kuyamba.” Iyo wakati, “Ine nkhiruta waka Kukaya.”

Ine nkhati, “Enya, icho ntchiweme chomene.”

¹⁰ Ise tikaŵa kuti tafika waka kufuma ku malo ghakukatumikira mu Africa, iyo na ine. Iyo wakati, “Ine nachekura waka chomene kukhala wamoyo.” Iyo wakati, “Ine nkhiruta Kukaya.”

Ine nkhati, “M’bale Bosworth, kasi iwe undiphalirenge kuti ine ndichite vichi?”

¹¹ Ndipo iyo wakati, “Khala na Ivangeli.” Ndipo iyo wakati, “Ruta ku malo ghakukatumikira mwaluwîro umo iwe ungachitira.” Wakati, “Uko ndiko kuŵenge kulangiza kwane.”

¹² Ndipo ine nkhati, “M’bale Bosworth, chinthu chimoza chakusazgirapo ine nkukhumba kuti ndikufumbe iwe.”

Iyo wakati, "Kasi ntchivichi icho, M'bale Branham?"

¹³ Ine nkhati, "Sono, iwe uli kuwika pafupifupi virimika sikisite kwa Fumu, mu kumutumikira, panyake kujumphirapo." Ndipo ine nkhati, "Mphauli apo yikawâ nyengo yako yakukondwa chomene mu umoyo?"

Iyo wakati, "Sono nthena."

Ndipo ine nkhati, "M'bale Bosworth, iwe ukumanya kuti ukufwa?"

¹⁴ Iyo wakati, "Ine ningafwa yayi. Ine nkhafwa virimika vinandi vyajumpha." Ndipo ine... Iyo wakati, "M'bale Branham, vyose ivyo ine ndiri kutemwa ndipo nkhapwererera virimika sikisite vyajumpha, ine nkhulindizga Iyo kuti wajure muryango ula pa nyengo yiriyose na kwiza, kuzakanditora ine."

Ine nkhughanaghana za yira, *Salimo la Umoyo*:

Maumoyo gha wantru wakuruwakuru wose
ghakutikumbuska ise
Ise tingamanya kupanga maumoyo ghithu
ghakuchindikika,
Na kapatukananga, kukutirekera kumanyuma
ise
Mikwevu ya marundi pa michengwa ya nyengo.

Ndipo nadi iyo wakasida mikwevu, kwa ine.

¹⁵ Pambere iyo wandafwe, panji, pa....wandanjire mu Uchindami, pafupifupi ora limoza, panji kusazgirapo, pambere iyo wakawâwa wandafwe, iyo wakawâwa ngati kuti wagonâwa kwa maora ghachoko, ndipo muwoli wake, wana wake, âwakutemweka chiyimirire zingirizge, ndipo munthu mulara wakauka, wakalaâwiska zingirizge, wakanyamuka, ndipo wakachimbira mu baraza, ndipo wakakorana chasa na mama wake uyo wakaruta virimika vinandi, na dada wake. Ndipo kujumpha ora limoza, iyo wakakorana chasa na wantru, kuyowoyanga, "Uyu ndi M'bale John. Enya, iwe ukiza kwa Khristu mu ungano wane mu Joliet, Illinois. Apa pali M'bale..." Kukorananga chasa na âwakuphenduka wake awo âwakafwa, virimika vinandi vgyajumphua.

¹⁶ Ine-ine nkhumuphalirani imwe, nyengo zinyake ine nkhu Gomezga kuti mu ora ilo ise tikujumpha kufuma pa charu chapasi ichi kunjira mu chinyake, ine nkhu Gomezga nyengo yinyake para... Mronga uzamkuwa unonono kwambuka, munthowa yiri yose, imwe mukumanya. Ine nkhu Gomezga panyake Fumu yikuyowoya ku wakutemweka wîthu, "Ruta kusika ku mronga ndipo ukakumane nawo kusika kula." Pakuti umo Jacob wakayowoyer, ise tizamuungana pamoza na wantru wîthu dazi linyake.

¹⁷ Ine naneso nkhulindizga dazi lira kuti lifikenge. Ndipo ntheara para ine namarana nawo umovo uwu kuno, panji

Chiuta wamarana nane kuno, ndipo ine nkhuwona kuti napanga chivikiliro chirichose icho ine nkhanya kuchita, nkhaporota mu malo ghose gha mikwakwazu, ndipo nkhakwera phiri lirilose, ine nkhukhumba kuti ndilawiske kumanyuma, ndiwone uko ine nkhawâ, para ine nkhukhilira ku mronga.

¹⁸ Ine nyengo zose ndiri kuyowoya, ngati wâbale wâfipa kuno, iwo wâli na sumu yichoko iwo wâkwimba, “Ine nkhukhumba suzgo lirilose yayi pa mronga.” Ine nkhukhumba kuti ninozge chose ichi sono.

¹⁹ Panyake kuwîkaso waka lupanga mu chikwama, na kuvura chipewa, na kuwika ichi pasi mumphepete mwa mronga, na kukwezga muchanya mawoko ghane, na kuchemerezga, “Tumani boti laumoyo, Wâdada. Ine nkhwiza kukaya mlenji uwu.” Iyo wazamkuâa kwenekula. Kudandaula yayi. Ine nkhugomezga icho. Ine nkhugomezga uko ndi kukhumba kwa uliwose wa mitima yithu.

²⁰ Sono, ndi mwaâi ukuru chomene kuâa kuno usiku uwu na mliska muweme uyu na mpingo wake, na ntchito yiweme iyi, na iwo weneawo wâkukhala mwa Khristu, ku umaliro uku kwa Phoenix. Pakuti, nadi, ise ndise wâkupanjwa. Ise ndise wâmwendanthowa na wâlendo kuno. Ise tikupenza Msumba.

²¹ Umo ine nayowoyanga mlenji uwu kusika ku kachisi wa M'bale Fuller, pa Mbewu Yaufumu. Sono, usange imwe muli na matepi ghakujambulira, ine nkhuzunurapo yayi. Kweni panguâa chinyake changuchitika mlenji uwu, icho ine... Usange imwe muli na tepi yakujambulira, usange imwe mungasanga yimoza ya matepi, ine ndiri na chigomezgo kuti imwe murumbenge ichi. M'bale Maguire wali kutumizga igho, ndipo *Mbewu Yaufumu Ya Abraham*.

²² Wonani, mbewu ya Abraham wakaâa Isaac, cheneicho ndi Chiyuda, kuthupi. Kweni Mbewu Yaufumu wakaâa Khristu, kwizira mu phangano, ndipo kuti Khristu wakaâa Mazgu gha Chiuta ghakuwoneker. Ndipo chiri mu mtima withu muhanyauno umo ise... “Usange Ine... Imwe khalani mwa Ine, ndipo Mazgu Ghane mwa imwe, ntheura rombani icho imwe mukukhumba, ndipo ichi chichitikenge kwa imwe.”

²³ Sono, ine nkharongosora icho, za Phoenix, nyengo zinandi kufumira apo ine ndiri kukhalira kuno... Nyengo yane yakudankha kwiza yikâwa virimika sate-fayivi vyajumpha. Ndipo kunena pa wa 16 na Henshaw, ine nkhakhalako, nkhagwira ntchito pa Circle R Ranch kuwaro uku, kuwaro kwa Wickenburg. Ndipo ine nkharruta na msungwana muchoko kula pa wa 16 na Henshaw. Ine nkharruta kukapenza malo dazi linyake ndipo agha ntha nanga ndi Henshaw munthowa yiriyose. Agha sono ndi Buckeye. Ndipo ndi msumba ukuru nkhanira mu chigaâa chikuru cha Phoenix kuno. Chirichose chiri kusintha.

²⁴ Ndipo muwoli na ine tikaruta ku South Mountain, kuti tikalingalire za Phoenix. Ine nkhaghanaghana, pafupifupi virimika firii handiredi vyajumpha, panyake ntha kukaŵa chirichose kuno kweni ūkambwe, minkhaka, na vinyake ntheura. Ndipo sono ndi msomba ukuru wakutowa. Sono, ine nkhati, “Wakutemweka, kasi uwu ngwakuphenduka panji ngwakutimbanizgika? Imwe mungamanya kugwiriska ntchito kusankha kwinu. Kwa ine, uwu ngwakutimbanizgika sono. Chifukwa, nyumba zikuru izi na vyakuzenga vyakutowa vingamanya kuŵa viweme usange ūnarumi na ūnakazi ūkayendanga kukwera-na-kukhira misewu, na mawoko ghawo muchanya kwa Chiuta, kumurumbanga Chiuta, ndipo ūbale na ūalongosi kukhalanga umoyo uweme; m’malo mwakumwa, kutchayanga njuga, kukhweŵanga, kutetanga, kwibanga, malo ghakumwerako moŵa, chirichose icho ntchiheni. Mkatikati mu vyose ivyo, nangauli...”

Ntheura muwoli wakayowoya kwa ine, “Ntheura, Billy, kasi iwe wapukwa vichi kuno?”

²⁵ Ine nkhati, “Kweni, wakutemweka, kufumira apo ise takhalira kuno, maminiti fiftini, kasi ndi mautesi ghalinga ghayowoyeka mu dambo lira? Kasi ndi virapo vilinga vyachitika, mu Zina la Fumu pawaka? Kasi ndi ndundu zilinga, kasi ndi mabotolo ghalinga gha kachasu ghamweka, kasi ndi vigoloro vilinga vyachitika, na kose kula, mu nyengo waka yichoko yajumpha, apo ise takhalira kuno?”

Iyo wakati, “Kasi icho ntchakofya yayi?”

²⁶ Kweni ine nkhati, “Apa pali icho ise tiriri kuno, wakutemweka. Kasi ndi malurombo ghalinga ghaneneska gharuta kuchanya kufumira apo ise takhalira kuno? ‘Imwe ndimwe Kuŵara kwa charu.’ Ichō ndicho ise tiliri kuno, kuti tiŵike mapewa ghithu pamoza na mipingo yichoko iyi kuno, tichite chirichose ise tingachita, kuti tivwire uwu urute munthazi. Kuti uwē...”

²⁷ Imwe mose, imwe mwaŵatuŵa, ndimwe thumbiko kwa ine. Ine nkhugomezga kuti ine ndiŵenge thumbiko kwa imwe, mu kuchezga kuno. Ndipo ine, para ine nkhati nawona kuti ine nkhuyenera kuti ndirute ku mipingo yakupambanapambana na mabungwe, na—na matchalitchi ghakupambanapambana, na vinyake ntheura, ūbale mu dambo la Phoenix kuno, mtima wane ukakondwera. Ichō chikwiza pambere undayambe ungaro ukuru uwo ine ndizamuyowoya, pa ungaro ukuru wa Christian Business Men, ine nkhugomezga ndi pa chakurya cha mlenji pa Chisulo, ndipo pamanyuma pa ungaro wa pa Sabata kumuňanya, pa Sabata yakurondezgako yira. Ndipo nyengo zose ndi mwaŵi kukumana na ūbale ūwara. Ine nkhugomezga kuti iwo ūali na mipando twente-fayivi handiredi mula. Ūali na malo

ghanandi ghakukhalamo gha ise. Ndipo ise tikugomezga kuti tamukumana namwe kula.

²⁸ Ndipo pamanyuma kuti tikaŵe na nyengo iyi ya wenewawene, kuruta kufuma mpingo kuruta ku mpingo, na kuyowoya. Ine nkugomezga kuti nangupharazga mlenji uwu mpaka ine nangupharazga mazgu kusasa, pafupifupi ora na hafu. Ndipo ula wanguŵa umoza ufupi. Ine nyengo zinandi ntha nkhumalizga pambere ghandakwane maora ghatatu panji ghanayi gha uwu, pa—pa tchalitchi kwithu. Ine mbwenu... Ine ndine mupharazgi yayi. Ntheura ine—ine nkupangwa waka chiwawa cha chimwemwe kwa Fumu. Ine nkutemwa kuchita ichi makora chomene. Ine—ine nkhusachizga kuti ine nkuchitemwa waka ichi, ntheura ine nkhirutirira waka kuchitanga ichi. Ine nkhaŵa...nkhaŵa na malingaliro ghanayi panji ghankonde ghakupambanapambana kuti ine nkhuŵasunga wantru nyengo yitali chomene, ntheura ine nkhumanya uwo ndi unenesko. Ndipo usiku uwu, mu unenesko, ise tiŵenge kuti tafuma muno pambere wanu koloko yindakwane. Ine, ine pafupifupi ndimusimikizgireninge imwe za icho. Ine mbwenu waka, pafupifupi...Kapulikiro ka mzimu uweme wantheura, ndipo chirichose chiweme, ine nkugomezga kuti Mzimu Mutuŵa watitumbikenge ise.

²⁹ Sono, sono ine ntha ndiri kuŵa na mauteŵeti ghalighose gha machirisko mu maungano. Ine...Usiku umoza, kusika kwa m'bale...wa Zina la Yesu, kasi mliska wakaŵa njani? M'bale Outlaw. Mpingo wa M'bale Outlaw, kukaŵa wanandi chomene kula awo ūkakhumbanga kuti ūarombereke. Ndipo ine nkhatuma mwana wane kuti wapereke makadi gha pemphero. Ndipo ntheura mausiku ghangapo, Mzimu Mutuŵa ukizanga chomene mu nyumba, mpaka...Imwe mose mukumanya. Imwe muli kuŵamo mu maungano ghane. Imwe mose muli kuŵamo. Imwe mukuwona umo kukuŵira kusanda, na vinyake ntheura. Kweni sono ine nkhuwona uku kukuwunganiska wanandi kuti ūarombereke. Ndipo ine nkawona kuti wakudankha, kuchita kuyamba pa Chitatu na Chinayi. Ine nkhaté panyake nilindizgenge mpaka kujumpha pa Sabata, chifukwa usange iwe uli na visopo via machirisko mu tchalitchi...

³⁰ Imwe wonani, ine—ine nkhalengeza kulikose ine nkharuta kufumba muntru waliyose kuti mukhale pa malo ghinu gha ntchito pa Sabata, imwe wonani. Maungano ghapadera agha ndi kuchezgerananga waka na ūabale. Ndipo ise—ise tikukhumba kuti waliyose wasunge malo ghake gha ntchito, chifukwa mliska winu wakulindizga imwe, ndipo kula ndiko imwe mukwenera kuŵa.

³¹ Ntheura pamanyuma—ntheura ine nkughanaghana, namachero usiku, usange Fumu yazomerezga, ine ntha... Kasi ise tiŵenge nkhu namachero usiku? [M'bale wakuti, "Kula mu Tempe, ku mpingo wa M'bale O'Donnell."—Munozgi]

M'bale O'Donnell, ku Tempe, Arizona. Sono, usange imwe mulije uliwose—chinthu chapadera chirichose kuchitikanga pa tchalitchi linu, ndipo imwe muli na wānthu ḫarwari, chifukwa, ine ndiromberenge ḫarwari, namachero usiku, kuŵa waka na mzere wapemphero wanyengo zose, kurombera ḫarwari, panyake—panyake pa Mande, pa Chiwiri. Tiyenī tiwone, ine nkuyenera... Ine ndine... O, ine ndiri... Kasi ine ndiri na mpingo pa Chitatu usiku naposo? [“Enya.”] Pa Chitatu usiku. Ntheura ichi...

³² Ndipo uwu ukuyamba pa Chinayi, ndi unenesko uwo, ungano ukuru? [M'bale wakuti, “Ine nkhuŵa ngati ndiri na vinthu...?...”—Munozgil] Viri makora, m'bale. Iyo walengezenge sono. [“Wonani, ise tiri muno usiku uwu. Ndipo machero usiku ise tiwenge ku Tempe Assembly of God. Ndipo pamanyuma ku Mountain View mu Sunnyslope pa twenty-firii. Ndipo pamanyuma ku Central Assembly pa twenty-foru.”] Viri makora, icho ntchiweme. [“Ine ningakumbukira yayi, ndamwene. Ine nkhuŵa ngati natimbanizgika na ichi.”] Reka kughanaghana za icho.

Ine nkhayowoyanga dazi linyake, za, “Ningakumbukira yayi.”

³³ Ndipo M'bale Jack Moore wakayowoya kwa ine, wakati, “Iwe ukughanaghana kuti ndiwe muheni?” iyo wakayowoya.

³⁴ Ine nkhati, “M'bale Jack, ine nkhruta namuyamba kuyowoya, ine ningakumbuka yayi icho ine nayowoyanga.”

³⁵ Iyo wakati, “Reka kughanaghana kuti icho ntchiheni.” Wakati, “Ine nkhumuyowoyiska pa foni, kumuyimbira munyake, nkuti, ‘Kasi iwe ukukhumba vichi?’” Enya, icho chikufika pa uheni chomene!...?...O!

³⁶ Ntheura, mwe, icho panyake chingawoneka nthabwara, cheneicho ine nkughanaghana kuti ntchiweme yayi kuyowoya pa gome apa. Kweni wāna wā Chiuta ndi wāna waka wākukondwa, munthowa yiriyose, imwe mukumanya, ntheura ise—ise tikutemwa kuŵa. Ine nangughanaghana kuti icho changuŵa chiweme chomene.

³⁷ Imwe mose, wānandi wā imwe, mukumanya M'bale Jack Moore. Iyo wakufumira ku Shreveport, Louisiana, Life Tabernacle, m'bale muweme chomene. Ndipo ntheura iyo wakandiphaliranga icho ine. Iyo ndi kontirakitara, nayoso.

³⁸ Iyo wakati, “Reka kughanaghana kuti icho ntchiheni, M'bale Branham.” Wakati, “Ine nkhayimbira munyake dazi linyake, ndipo nkhayimba nambala yawo.” Ndipo nkhati, “Iwo wākazgora, wakati, ‘Hello.’ Ine nkhati, ‘Enya, kasi imwe mukukhumba vichi?’”

Ine nkhaghanaghana, “Enya, icho ntchakukhumudwiska chomene, M'bale Jack.”

³⁹ Ntheura sono, ine nkhughanaghana kuti ichi chiwenge chiweme, ndipo wabwezi awa awo wakukhumba kuti warombereke, ndipo wiza na wantru wawo warwari, pamanyuma ise tiwaromberenge iwo.

⁴⁰ Sono, usiku uwu, ine naghanaghana pa icho ine ndiyowoyenge usiku uwu kunena uku mu tchalitchi lichoko lakutowa ili. Ine nangughanaghana, “Enya, ine nkhumanya yayi kasi.” Ine nkhwenera kuti nitore waka mutu uchoko, na kugomezga kuti Fumu yisazgenge mazgu kumalo kunyake, na kuzomerezga agha ghawe uko agha ghavwirenge munyake. Kuwa... Ine ntha nkhuvezga kutora mutu, ine nyengo zose nkhuvezga kuwona kurongozgeka, na kulemba mulu wa Malemba, na vinyake ntheura. Ndipo—ndipo ntheura, usange Fumu yanirongoza mwakulekana, ntheura ine nkhiruta waka umo Iyo wakundirongozgera. Ndipo ine nkhughanaghana kuti umo ndimo tose tikwenera kuti tichitirenge. Mukukuchita yayi? Chitani mwantheura umo.

⁴¹ Ndipo sono kuli chinthu chimoza icho—icho ine—ine nkhukhumba, waliyose wa mpingo walengeze ichi kwa waliyose. Ndipo icho ndi, kuti usange... Para imwe mwamalizga kurombera mliska winu na wakutemweka winu, kundiruwa yayi ine, chifukwa ine nkhumanya, dazi lirilose, kuruska kale, kuti ise tikukhira kurazga ku umaliro wa msewu.

⁴² Ndipo ine nkhaŵika waka mu dindi amama wane, masabata ghachoko ghajumpha. Ndipo nkhaŵakhozga iwo mu mawoko ghane mpaka Chiuta wakatore mvuchi wawo na uzima wawo kuruta Kuchanya. Ine nkhakuwona kufwa kwa mwanakazi yura wakuzura na Mzimu Mutuŵa, ndipo nkhamuwona iyo wakwiza nkhanira ku umaliro wa msewu. Ine nkaghaghanaghana, “O, ine—ine nkhuenera kuti ndiŵenye waka na mama waliyose ngati ntheura. Ine nkhuenera kuti ndichite waka chinyake kuti nditore... kuchita icho ningafiska, kuti ndiŵapange wantru kuti wawone icho ichi chikung'anamura nadi.”

⁴³ Ndipo, wabwezi, ine ndine wakukakamizgika kuti panyake ichi chiwenge chakuzama pachoko. Ndipo ine nkhughanaghana kuti tikuchitora ichi mwakupepuka pachoko chomene kuruska umo nadi ichi chiliri. Ine nkhughanaghana kuti ise tikwenera kukumbukira. Usange Chiuta ndi mutuŵa chomene kufikira kuti Wangelo wakuwoneka wakubinkha mu maso Ghake, kasi ise tikuwoneka uli? Mukuwona? Uwo mbunenesko. Ntheura ise tikukhumba kuti tikumbukire. Ndipo kumbukirani, Chiuta wakukhala nkhanira kula mu Umuyaya, uko kukuŵara kuruska nyenyeli zose mu vya mu mlengalenga. “Mutuŵa, mutuŵa, mutuŵa,” Wangelo na mapapindo kubenekerera visko vyawo, na kubenekerera marundi ghawo, kuwurukanga mu Kuŵapo Kwake, kuchemerezganga, “Mutuŵa.” Kasi ise tichite vichi? Ntheura ise... Ichondičo ise tikuvezga kuchita.

⁴⁴ Ndipo—ndipo ine nkhuwona ngati kuti uwu, Ufumu wa Chiuta, uli ngati munthu uyo wakatora mkwawo ndipo wakaruta ku nyanja, Yesu wakayowoya, ndipo iyo wakaponya. Ndipo para iyo wakati waguza, iyo wakakora mitundu yinandi. Kweni somba ziweme, nkhumanya, wakasunga; ndipo somba zinyake izo zikurya vyakuvunda zikawerera ku maji, ngati nkharra, na—na njoka, mitondoli, na ḫafulu, na vinyake nttheura. Kweni mikwawo ya Ivangeli yikukora vyose vya ichi. Ndipo ise... Lizamkuŵako dazi linyake yizamkuŵa nyengo apo ise tizamkuponya mkwawo withu waumaliro, M'bale Adams. Uwo mbunenesko. Ndimwe yayi panji ine kuti tiyowoye kuti iyi ndi somba ndipo iyo ndiyo yayi. Ise tikumanya yayi. Ise tikuponya waka mkwawo na kuguza uwu. Mbwenu kwamara. Chiuta wakuŵamanya Wake yekha. “Iwo ḫeneawo Iyo wakawāmānyirathu, Iyo wakawāchēma; ndipo iwo ḫeneawo Iyo wakawāchēma, Iyo wali kuŵarunjiska; ndipo iwo ḫeneawo Iyo wali kuŵarunjiska, Iyo wali kuŵatūŵiska.” Nttheura ise tikulindizga, kuponyanga waka mkwawo. Ndipo ndi mwaŵi wane usiku uwu kuyimirira mu tchalitchi la M'bale Edmonds muno kuti ndivwire kuponya mkwawo pa malo agha, kuti ndiwone usange muli somba zinyake izo Chiuta wali nazo za ku Ufumu Wake.

⁴⁵ Sono, pambere ise tindāwazge Mazgu, tiyeni tiyowoye kwa Chata wa Mazgu pachoko waka apo ise tikusindamiska mitu yithu.

⁴⁶ Na mitu yithu yakusindama, mu kupatulika kwa nyengo iyi, kuti ise tikusenderera ku Mazgu gha Chiuta wamoyo, uyo ndi Chiuta, ine nkhumanya yayi usange mungaŵa ḫanthu ḫanyake muno awo ḫali na vyakupempha pa mitima yawo, kuti iwo ḫakukhumba kuti ḫakumbukirike mu lurombo ili. Pangani ichi chimanyikwe kwizira mu woko lakukwezeka.

Fumu Yesu, laŵiskani ku gulu, kumanyanga mtima uliwose.
Namuwongani imwe.

⁴⁷ Wauchizi chomene ndipo Chiuta mutuŵa, Mwenenkhongono, El Shaddai, uyo wakawoneka kwa Abraham mu Zina la “Mwenenkhongono, Chiuta-wamabere, Wakupereka nkhongono, Wakuryeska ḫakufoka,” zanine kwa ise usiku uwu, ḫadada. Ndipo ise tikumanya kufoka kwithu na kunangiska kwithu. Ise tikuvumbura zakwananga zithu panthazi Pinu, ndipo tikuŵika izi pa guwa Linu la moto la cheruzgo, ndipo tikuromba kuti Ndopa za Yesu Khristu zifumiskepo izi, mu sembe iyo ise tikupanga. Perekani ichi, O Chiuta.

⁴⁸ Ise tikupereka maumoyo ghithu na vyose ivyo tiri navyo, na luso lichoko ilo lapika kwa ise. Fumu, gwiriskani ntchito ili ku uchindami wa Chiuta.

⁴⁹ Tumbikani mpingo uwu, mliska wake wakutemweka, madikoni, mathrastii, na gulu lose la ḫalaraŵalara wose, na

membara waliyose uyo wakwiza mu mpingo uwu wakuchemeka “Fellowship.” Chiuta, ine nkhuromba kuti wānarumi na wānakazi, apo iwo wākunjira pa muryango ula wa malo agha, kuti iwo wāwenge pasi pa kukhuzika chifukwa cha dongosolo liweme la Mzimu Mutuŵa m̄kati mu nyumba. Perekani ichi, Fumu.

⁵⁰ Mutigowokere zakwananga zithu, na majuvyo ghithu, ise tikuromba kamozaso. Kumbukirani iwo weneawo wākwezga mawoko ghawo. Kusi kwa woko lira, Fumu, kwanguŵa mtima kupemphanga chinyake kwa Imwe, ndipo panyake Ndimwe pera mungamanya kupereka ichi. Ine nkhuromba kuti Imwe muperekenge ichi, Wadada. Chirichose iwo wākukhumba, perekani ichi kwa iwo mu uzari. Usange pangāwa wānji wārwari, Fumu, wāchizgeni iwo. Usange pangāwa munyake uyo wakuwa munthowa, mukhozgeni yura, khongono lakufoka lira. “Thete lakuvurazika, Iyo waphyorenge yayi ili, panji chisunda cha nyali Iyo wazimwenge yayi.” Ndipo ise tikumanya kuti Iyo walitayenge yayi thete lakuvurazika; Iyo walinozgenge ili. Ndipo ine nkhuromba, Wadada Wākuchanya, usange muli mizimu yinyake iyo njakusweka, panji—panji yakukhumbudwiskika, panji mawoko ghakufoka ghakhizgika pasi, na makongono ghakufoka, nkhuromba igho ghakwezgeke muchanya usiku uwu, Fumu. Nkhuromba Mzimu Mutuŵa wafike na kuchizga mitima yithu na mizimu, na maumoyo ghithu ghakuthupi, ndipo ise timupenge Iyo marumbo ghose chifukwa cha ichi. Ise tikuromba ichi mu Zina la Yesu. Amen.

⁵¹ Usange imwe mungakhumba kuti mujure ku Malemba, kwa pafupifupi waka kuyowoyapo waka maminiti sate, ine nikhumbenge kuti imwe muwazge pamoza nane kufuma mu buku la Chivumbuzi, chipatulo 19. Ndipo ine nkukhumba kuti ndiŵazge kukhira kufika vesi 7, ghose.

Ndipo pamanyuma pa vinthu ivi ine nkhapulika lizgu likuru la wānthu wānandi kuchanya, kuti, Aleluya; Chiponosko, . . . uchindami, na ntchindi, na nkongono, kwa Yehova Chiuta withu:

Pakuti ghaneneska na gharunji ndi maweruzgo ghake: pakuti iyo wayeruzga muzaghali mukuru, uyo wakananga charu chapasi na mauzagħali ghake, ndipo wawezgera nduzga ndopa za wateŵeti īwake pa woko lake.

Ndipo kweniso iwo wākati, Aleluya. Ndipo josi lake likasunkha tuyirayira na tuyirayira.

Ndipo wālara foru na twente na vikoko vinayi vikawa pasi ndipo vikamusopa Chiuta uyo wakakhala pa chizumbe, kuyowoyanya, Amen; Aleluya.

Ndipo lizgu likiza kufuma mu chizumbe, likuti, Warumbike Chiuta withu, mose imwe wateŵeti īwake,

na imwe mwaweneimwe mukumopa iyo, mose wachoko na walara.

Ndipo ine nkhapulika ngati kuti likaŵa lizgu la mzinda ukuru, ndipo ngati lizgu la maji ghanandi, ndipo ngati mazgu gha kududumirira kukuru, kuti, Aleluya: pakuti Yehova Chiuta wankhongono zose wakuwusa.

Tiyeni tikondwere ndipo tisekerere, ndipo tipereke ntchindi kwa iyo: pakuti ukwati wa mwanamberere wafika, ndipo muwoli wake wajinozgekereska iyomwene.

⁵² Nkhukhumba kuti ndiyowoye usiku uwu pa chisambizgo chakuti: *Ukwati Wa Mwanamberere*, pa nyengo zichoko waka kuti... Ise tikulimanya chomene Lemba ili. Kwambura nkhayiko kuti mliska winu kuno wali kupharazgapo chisambizgo ichi nyengo zinandi.

⁵³ Ndipo, kuti, ise tikumanya kuti kuzamkuŵa Mkwatibwi, ndipo kuzamkuŵa mugonero wa ukwati uzamuperekka mu mitambo. Icho ndi chakusimikizgika waka umo chingawira, umo Chiuta waliriko, chifukwa ndi Mazgu Ghake. Ndipo tikumanya kuti iwo weneawo wazamkupanga Mkwatibwi yura wazamkuŵa Mpingo Wake, ndipo iwo wazamuwonekera panthazi pa Iyo kwambura banga panji khwinya. Ndipo iwo wali na chakuvwara pa charu chapasi sono kuti wajipange iwoŵene wakunozgeka. Usange imwe mwanguwona, Ili likati, “Iyo wajinozgekereska iyomwene.”

⁵⁴ Wanandi chomene wakuti, “Usange Fumu yingafumiskamo mzimu uheni uwu mwa ine, wa kumwa, panji wa kutchayanga njuga, panji wa maboza, panji wakwiba, ine ndimutumikirenge Iyo.”

⁵⁵ Kweni icho chirí kwa imwe. Wonani, imwe mukwenera kuti muchitepo chinyake, namweso. “Iwo weneawo wakutonda wazamuhara vinthu vyose.” Iwo weneawo wakutonda. Imwe muli nazo nkhongono kuchita ichi, kweni imwe mukwenera kuŵa wakunozgeka kuŵika ichi pasi. Mukuwona? “Iyo wajinozgekereska Iyomwene.” Ine nkhughatemwa Mazgu agho.

⁵⁶ Imwe wonani, Chiuta wangatinjizga yayi ise mu kapayipi kachoko, kutiguzira kuwaro ku umaliro unyake, ndipo pamanyuma kuyowoyanga, “Wakutumbikika ndi iyo uyo wakutonda.” Imwe mukawavye chakuti mutonde; Iyo wakamujumphiskani waka imwe. Kweni imwe mukwenera kuti mupange vigamuro vya mwawene. Ine nkhuyenera kuti ndipange vigamuro vya ndamwene. Mu kuchita icho, ise tikuwoneska chipulikano chithu na ntchindi kwa Chiuta.

⁵⁷ Abraham wakalayizgika mwana, kweni iyo wakwenera kuti wasungilire phangano ili virimika twente-fayivi, mwakukwera-na-mwakukhira uko iyo wakaŵa nako, na viyezgo, mu virimika

vira twente-fayivi. Kweni iyo wakakoreska ku mazgu gha phangano.

⁵⁸ Ndipo Israel wakalayizgika charu chaphangano, kweni iwo ḫakayenera kuti ḫarwire mtunda uliwose wa ichi. “Palipose apo vikandiro vya marundi ghinu ghadyaka, cheneicho Ine ndamupani imwe,” Chiuta wakayowoya kwa Joshua. Chose chikawako kula. Charu chikawako kula, ndipo Chiuta wakapereka ichi kwa iwo, kweni iwo ḫakwenera kuti ḫarwire ichi.

⁵⁹ Chimozimozi ndimo kuliri na machirisko Ghauzimu. Chiuta wali nazo nkongono kumuchizgani imwe, usange imwe muli nacho chikanga kuti muzomere ichi, kweni imwe murwirenge mtunda uliwose wa nthowa.

⁶⁰ Chiuta wali nawo uchizi wakuziziswa kuti wamuponoskeni imwe, ndipo Iyo wachitenge ichi, kweni imwe murwirenge mtunda uliwose wa nthowa yinu.

⁶¹ Ine ndiri kuwa kuseri kwa gome, kurutiriranga virimika sate-wanu, ndipo mtunda uliwose wa icho uli kuwa kurwira, rutaruta. Uwu nadi uli kuwa.

⁶² “Kweni ise tikwenera kuti tirwe usange ise tikwenera kuti tiwuse.” Ntheura ise tikusanga kuti Mkwatibwi wakwenera kuti wajipange Iyomwene wakunozgeka. “Tiwe ḫakunozgeka kusezgera kumphepete uzitu uliwose uwo ukutitimbanizga mwaluwiro, mwakuti ise tingamanya kuchimbira na chizizipizgo chipharizagno icho chaŵikika kunthazi kwithu.” Ise tikwenera kuti tivisezgere kumphepete, taŵene. Ise tingayowoya yayi, “Chiuta, Imwe zanine, mutisezgere ivi kumphepete.” Ise tikwenera kuti tichite icho, taŵene.

⁶³ Sono, ine nkutemwa kughanaghana za maukwati. Ine ndiri kuwa na mwaŵi wakukwatsika ḫanthu pachoko. Ndipo ine nkughanaghana, para ine nkuchema mwanarumi mwanichi na mwanakazi mwanichi kuti ḫafike ku guwa, ndipo nkhuŵawona iwo ḫakunjira mu tchalitchi; ndipo msungwana, wakutowa wavwara vyakuvwara vyake vya ukwati, na chidiko ku chisko chake ndipo chikufika pasi; ndipo mwenenthengwa, wakunyoroka, wakutcheni; ndipo wachichepere na wakuzura na nkongono, apo iwo ḫakwenda ḫakukhira kula mu umoyo wawo uweme chomene, ndipo ḫakupanga lumbiro lira la ukwati, ine nkugomezga kuti chiripo chinyake chiweme za ichi. Chiripo chinyake chakupatulika, chifukwa chakuti ichi chikundikumbuska ine kuti kuzamkuwa ukwati unyake ukuru dazi linyake, para Mkwatibwi wa Khristu wazamkwiza wakwenda wakukhira mu makolido gha Uchindami.

⁶⁴ Mwenenthengwa waŵenge na chirichose chakunozgeka. Kuzamkuwa ukwati na mugonero. Umo ise tikutemwera kughanaghana za kukakhala sirya linyake la thebulu kufuma kwa yumoza na munyake, na kukorananga chasa yumoza na

munyake, ndipo masozi kukhiranga matama ghithu. Ndipo ghanaghanani, Iyo wizenge, kupuputa masozi ghose ku maso ghithu, kuti, “Kulira yayi. Chose chamara sono. Njirani mu vimwemwe vya Fumu ivyo viri kunozgekera imwe kufuma ku mtendeko wa charu.” O, m’bale, icho chitipangenge ise kutemwana yumoza na munyake.

⁶⁵ Ine nkhughanaghana kuti ilo ndilo suzgo na Mpingo, Mkwatibwi muhanyauno, uyo wali kupangika na mipingo yose iyo yikugomezga mwa Khristu. Ndi tchalitchi yayi, nesi ndi wupu panji bungwe, kweni ndi wantru payekhapayekha awo wali mu mpingo awo wakupanga Mkwatibwi.

⁶⁶ Ine ndiri na mubwezi muweme mu Louisville, Kentucky, Dr. Wallace Cauble, uyo wakaŵa mupharzgi wa Mpingo wa Khristu, ndipo wakiza ndipo wakapokera Mzimu Mutuŵa, ndipo wakuliska umoza wa yikuru, mipingo yikuru chomene mu Louisville, mpingo wa Open Door. Iyo wali kuŵa mubwezi muweme chomene kwa ine. Ndipo mazuŵa ghachoko ghajumpha, ine nkhayimirira pa msewu, ndipo ine nkhamuwona iyo wakwiza wakukhira na msewu. Ndipo ine nyengo zose nkhamutemwa iyo, ndipo iyo wakanditemwa ine.

⁶⁷ Kweni dazi limoza iyo wakaŵa na opareshoni ya vilonda vya pa singo, ndipo iyo wakasuluranga ndopa kurazga ku nyifwa. Ndipo iwo wakiza nayo kusika kula ku Saint Joseph Hospital, ndipo iwo wakati iyo wakafwanga. Ndipo Mrs. McSpadden wakandiyimbira ine, wakati, “Dr. Wallace Cauble.” Ine nkhaŵa nindamumanye iyo, kweni ine nkhamanya kuti kukaŵa mpingo ukuru wa Open Door. Wakati, “Iyo wakufwa. Madokotala ghakamulasa majekiseni iyo, chinyake chirichose. Iwo wakamusona. Iyo rutaruta wakusuluranga ndopa, ndipo iwo wakatondeka kuzirekeska ndopa. Ndopa zake zikhomenge yayi, ndipo, imwe mukumanya, kureka kusuluranga.” Ndipo wakati, “Iwo wali na mamishonare mwenemula, ndipo iwo wakukhumba kuti iwe urike, umurombere iyo.”

⁶⁸ Enya, ine nkhapulikapo za Dr. Wallace Cauble, ndipo ntheura ine nkhaŵa ngati wakugongowa pachoko, kweni ine nkharetako. Ndipo para ine nkhati ndalaŵiska mu chipinda cha chipatala, mukawâ wâmisionare na wapharazgi wâkuruwâkuru, wose mwenemula, kuliranga na kurombang. Ndipo ine nkhaghanaghana, “O, mwe! Muchoko chomene ine, mutuŵa muchoko wakukunkhuruka, nkhanjire mula? Ntchiweme ine nikhale waka kuwaro kuno.” Ntheura ine nkharetako kuseri kwa machini ghakuguriskiramo Coke kuwaro mu holo. Ine nkharamba kwa Chiuta, kuti-kuti warekeske kusulura kwa ndopa, za M’bale Cauble. Ine nkawerera kumanyuma ndipo nkharetako kuwaro.

⁶⁹ Ine nkhafika waka kunyumba, pafupifupi maminiti fiftini, ndipo foni yikaliraso, ndipo wakukhumba kuti wamanye icho

chikanicedweskanga, kuti ine nkhafika yayi kula. Ndipo ine nkhati, "Ine—ine nangwiza. Kweni mwanguŵa wânandi chomene mula. Ine—ine ntha nanguwona kurongozgeka kuti ninjire, panyake, wona, wânandi chomene, wâpharazgi wâkuruwâkuru mkatì mula."

⁷⁰ Ntheura iyo wakati, "Zanga sono nthena." Wakati, "Munthu wali na nyengo yichoko yakukhalira wamoyo."

⁷¹ Ntheura ine nkawererakoso, kachiwiri. Ndipo para ine nkhati nanjira mula, iyo wakayezganga kumupanga mlongosi wa Katolika kuti wamuzomere Khristu ngati Muponoski wake; ndipo iyo kusuluranga ndopa, ndipo ndopa kupilirikanga kufuma mu mlomo wake. Ine nkhanjira mkatì.

Ndipo iyo wakati, "Ntchiweme nakumana nawe?"

⁷² Ndipo ine nkhati, "Ntchiweme nakumana nawe?" Iyo wakâwâ chikhaliire mu bedi, ndipo wakakhosomoranga ngati ntheura, ndipo ndopa zikafumanga.

Ndipo iyo wakati, "Kasi zina lako ndiwe njani?"

Ndipo ine nkhati, "Ine ndine M'bale Branham."

⁷³ Ndipo iyo wakayamba kulira, wakaŵika mawoko ghake kundikumbatira ine. Ine nkaghawada pasi mula.

⁷⁴ Sono, uyu ndi Dr. Wallace Cauble, wa mpingo wa Open Door mu Louisville. Wakumupa kalata iyo. "Ndopa zikareka kusulura nyengo yeneyira." Izi zikathika yayi, kufuma nyengo yira. Mukuwona? Ndipo ise tiri kuŵa chomene, wâbwezi wâweme chomene kufumira nyengo yira. Ndipo dazi linyake, ine nkakumana nayo. Ndipo iyo wakati . . .

⁷⁵ Oswald J. Smith, wânandi wâ imwe mukumumanya M'bale Smith. Iyo ndi wamishonare mukuru, ndipo iyo wakwiza ku wa M'bale Cauble, chifukwa iyo wakumutemwa chomene iyo. Iyo wakati, "M'bale Cauble, iwe ukumanya," iyo wakati, "Ine . . ." Chinyake za muwoli wake. Iyo wakati, "Para ine nkhati natora," wakati, "Ine nkawona ngati, enya, usange ine nanangiska, ine mbwenu, o, ine ningamanya kusanga yumoza munyake," chifukwa iyo wakâwâ mwanichi. "Kweni," wakati, "para wâna wâkati wâbabika," wakati, "ntheura chikuŵa chinonono kuhala kwambura mwanakazi. Apo ndi para iwe wafika pakunji virimika fifite vyakubabika, iwe ungakhala yayi kwambura mwanakazi. Ndipo apo iwe ukuchekura, chifukwa, iwe—iwe ukuwona ntheura."

Ine nkhati, "Ine nkhusachizga kuti uwo pafupifupi ndi unenesko." Ine nkhaŵâ . . .

⁷⁶ Umo chisambizgo chikafikira, imwe mukumanya umo madona ghangashopera, ndipo muwoli wane wakâwâ mwenemula. Ndipo iyo ndi fumukazi ya chose ichi. Iyo wakutandalira waka dazi lose. Marundi ghane ghachitima pafupifupi kunikoma ine, pa msewu kwendanga na iyo. Ndipo

iyō wakandiphaliranga ine, wakati, "Enya, iwe ungakhala yayi kwambura mwanakazi." Ndipo umo ndimo ndemanga yikizira.

⁷⁷ Para ine nkhati naruta kunyumba, ine nkhanjira mu chipinda mula, kughaghananga, "Uwo mbunenesko." Ine nkhalinganizga ichi ku chinthu chinyakeso.

⁷⁸ Imwe mukumanya, para ine nkhati ndaphenduka nyengo yakudankha mu... nkhaŵa mupharazgi wa Missionary Baptist, ine nkhaghanaghana, "Usange munthu wakaŵa wa Baptist yayi, iyō wakaŵa wakuponoskeka yayi. Ndicho chekha chikawako ku ichi." Ndipo ine nkhanyamura Baibolo ku nkhwapa yane, ndipo nkhaghanaghana kuti Fumu yikandichema kuti ndipange waliyose waŵe wa Baptist. "Ndipo waliyose uyo nthā wakagomezga ngati ndiumo ūa Baptist ūakagomezgera, iwo nthā ūakawā mu chithuzithuzi napachoko pose."

⁷⁹ Apo mazuŵa ghakarutanga, ine nkhaghanaghana kuti ine nkhaŵa na ntchito yose kuti nichite, ndamwene. Ndipo ine nkhafika pa kusanga kuti, ine nkhawona m'bale munyake uyo wakaŵa na mpingo, mliska. Iyo wakachita nayoso, mwankhongono waka umo ine nkhachitira. Nakwenenako, bulangeti likuguzikira pachoko kurazga kwa iyō nayoso, imwe mukumanya.

⁸⁰ Pamanyuma ise tikusanga kuti, ise tikukhumbana yumoza na munyake. Ndipo sono, para ise tikati tayamba kumanyana kufika apa, chikuŵa waka chinonono kuchita kwambura yumoza na munyake. Mbwenu kwamara. Ise tikwenera kuŵa waka na yumoza na munyake, mbwenu. Ndipo ine nkugomezga icho chirī mu chakuchitika chikuru ichi cha chipentekosite. Ine ndine wakukondwa kuwona vyakutchinga vira vya kuŵa wambura kupwererako vikumara, Mpingo ukuru wa Chiuta ukuyamba kuijunganiska iwowene pamoza mu wenewawene. Kung'anamura kuti ukwati uli kufupi sono. Ndipo malibwe, ghadumurika mwachilendo umo igho panyake ghangawîra, igho ghali nagho malo kunyake mu nyumba yira, usange igho ndi malibwe gha Fumu.

⁸¹ Sono, nthengwa, mu kughaghanaga kumoza, ndi chilinganizgo. Nthengwa ya pacharu chapasi apa ndi chilinganizgo cha nthengwa ya kuchanya. Sono tiyeni tichilaŵiske ichi, pa nyengo zichoko waka, kuti tiwerezgepo ichi pa kanyengo.

⁸² Chinthu chakudankha icho chiriko, chigamuro chikwenera kuti chipangike. Chinthu chakudankha, chikuchitika, mu nthengwa yakuthupi, ntchakuti chigamuro chikwenera kuti chipangike. Dona mwanichi wakwenera kuti wapange chigamuro chake, kwali iyo wakumukhumba mwanarumi mwanichi uyu; ndipo mwanarumi mwanichi, kwali iyo wakumukhumba mwanakazi mwanichi. Chigamuro chikwenera kuti chipangike, ndipo imwe mukwenera kuti mupange ichi. Iyo

wakwenera kuti waŵe mwanakazi yekha pera mu charu uyo iwe ukumutemwa, ndipo iyo wakwenera kuŵa mwanarumi yekha pera. Usange viri ntheura yayi, ipo iwe ukapanga chigamuro chakwanangika.

⁸³ Ndipo umo ndimo ichi chiliri pa kupanga chigamuro cha kusankha Khristu. Chinthu chakudankha iwe ukwenera kuti uchite, ndi kusankha mu malingaliro ghako kwali iwe utumikirenge Chiuta na kumutora Iyo ngati Muponoski wako, panji iwe uchitenge yayi ichi. Kasi iwe utumikirenge charu? Kasi iwe utumikirenge Khristu? Iwe ukwenera kuti usankhe mu malingaliro ghako. Chigamuro chikwenera kuti chipangike. Para iwe ukusankha mu malingaliro ghako, kuti panyake iwe utumikirenge Chiuta panji charu, ntheura iwe ukutura chisankho chako. Kwesi chigamuro chikwenera kuti chipangike.

⁸⁴ Ndipo ntheura, para chigamuro chapangika, kuti iwe, ntheura pakwiza kulumbira. Cheneicho, iwe ukuchisanga pa guwa. Iwe ukwenera kuti upange lumbiro pambere kulumikizana uku kundawepo. Ndipo umo ndimo kuliri na Mpingo wa Khristu. Pakwenera kuti paŵe kulumbirana na Khristu, a—kupangana, kulumbira, chakuchitika cha chitemwa.

⁸⁵ Ndipo ntheura, chinthu chakurondezgako, ndi—ndi mapangano ghakupangika. Mapangano ghakwenera kuti ghapangike kwa yumoza na munyake, ngati ndiumo imwe mukupangira phangano. “Wakutemweka, usange iwe utoranenge na ine, ine nkupangana kuti ine ndizamkuŵa wakugomezgeka na muneneska. Ine ntha ndilawiskenge pa mwanakazi munyake walijose.” Panji, “Ine ntha ndilawiskenge pa mwanarumi munyake. Ndipo ine nichitenge chose icho ngati ntchito, ngati muwoli. Ise tiri na wana, chose ndichitenge ngati ntchito ngati—ngati mama. Ine—ine ndiŵenye wakusunga nyumba.” Mapangano ghose agha ghakwenera kuti ghapangike, panji ghachitike, mu ukwati wakwenerera.

⁸⁶ Ndipo icho ndi chinthu chenechira para iwe ukwiza kwa Khristu. “Fumu, usange Imwe mundipokererenge ine mu Ufumu Winu, ine nkupangana.” Apo imwe muli. “Ine ndimutemweninge Imwe. Ine ndiŵenye muneneska kwa Imwe. Ine ndimutumikireninge Imwe, muhanya na usiku.” Ntchiheni chomene kuti ise tikuruwa icho. “Ine ndimutumikireninge Imwe, muhanya na usiku. Ine niziŵizgenge. Ine nirombenge. Ine ndiŵenye wakugomezgeka kwa Imwe. Ine nifikenge na vyakhumi vyane mu nyumba yakusungiramo katundu. Ine—ine—ine nirombenge, nyengo zinandi pa dazi. Ine—ine ndichitenge chirichose. Ndipo ine ndipangenge chitemwa chane chose kwa Imwe.” Ichonidicho iwe ukwenera kuchita. Uwo mbunenesko nadi, uko iwe ukupangana icho, ndipo ichi chikwenera kufumira mu mtima wako.

⁸⁷ Usange iwe wamulayizga mfumu wako icho, ndipo ntha

kufuma mu mtima wako, iwe ukung'anamura ichi, iwe mwakufikapo ntha ukukhala umoyo uweme na iyo. Ichi chiri ngati chitemwa cha m'mawonekero.

⁸⁸ Lawiskani kuno. Usange—usange imwe mulije mino, ndipo imwe mukugwiriska ntchito mino ghafeki, sono, icho chiri makora. Uku ndi kugwiriska ntchito mino ghanyake m'malo mwa agho mukawa nagho kale. Kweni, mu unenesko, mino ghara ntha ngakulumikizika kwa imwe. Agha ntha ndi gawo la imwe. Usange imwe mukawa na—woko lakudumuka, ndipo imwe mwawikapo woko lakuchita kupanga, enya, woko ilo ntha ndakulumikizika kwa imwe. Ili labatikika waka pa imwe. Mukuwona? Ili ntha lalumikizika kwa imwe.

⁸⁹ Ndipo para ise tikuyowoya phangano lithu kwa Khristu, usange ise ntha tikuzgoka gawo la Iyo, umo mwanakazi wakwenera kuti wazgoke gawo la mwanarumi ndipo mwanarumi gawo la mwanakazi, ipo ise ndise Wakristu wakuchita kupanga. Ise ntha tiri... Iwe nadi ntha watorana na mwanakazi yura, iwe panyake ungaawa wakugomezgeka, usange iwe ukumutemwa yayi mfumu wako, ndipo iyo virimika sikisite panji sevente vyakubabika, ndipo iwe ntha ukumutemwa makora iyo ngati ndiumo iwe ukachitira pa chiyambi, ipo nadi iwe ukulera waka wana wake.

⁹⁰ Umo ndimo mipingo yiliri, yinandi chomene muhanyauno. Ise tikutora waka zina la "Mpingo wa Chikhristu," kujikhungurufya kuti ndise Mkhatibwi. Penepapo, uwu ngwakuchita kupanga. Ise ntha ndise wakulumukizika kwa Khristu munthowa yiriyose. Ise tiri ngati jino lakuchita kupanga, woko lakuchita kupanga, jiso lakuchita kupanga. Mukuwona? Ndi chinyake icho ndi chakuchita kupanga usange ise tavwara waka ichi. Enya, imwe mungavwara yayi Chikhristu. Imwe mukwenera kuti muwe wakulumikizika ku ichi.

⁹¹ Ndipo ntheura mpingo uwo ngwakuchita waka kupangika, wakuchemeka mpingo wa Khristu, enya, wana wara ipo ntha wali mkati Mula, awo wali kubabika na bungwe lenelira. Ndi... Iwo ntha ndi wana wa Khristu. Iwo ndi wana wa bungwe, ndipo ntha wana wa Khristu.

⁹² Usange mwanakazi ntha ngwakulumikizika ku mwanarumi mu unenesko, ipo uyu ndi mfumu wake yayi. Uyu ndi mwanarumi waka uyo mwanakazi wapanga nayo malumbiro kuti wakhallenge nayo, ndipo iyo wakapanga lumbiro lakwanangika. Mwanakazi wakapangana kuti wamutemwenge mwanarumi, ndipo wakayowoya kuti iyo wakamutemwa mwanarumi, ndipo iyo wakachita yayi ichi. Nyengo yose, mwanarumi ngwakupusikika.

⁹³ Kweni pali chinthu chimoza chakusimikizika, wabwezi, ise timupusikenge yayi Khristu. Iyo wakuwamanya Wake yekha.

⁹⁴ Kweni, imwe wonani, chakudankha, vigamuro vikupangika. Chakurondezgako, kulumbira. Pamanyuma, phangano.

⁹⁵ Ndipo, pamanyuma, mwambo. Ndipo apo ndipo mkwatibwi—mkwatibwi wakutora zina la mwenenthengwa. Iyo ntha wakumanyikwaso na zina lake yekha. Iyo wakutora zina la mwenenthengwa.

⁹⁶ Ndipo ntheura para Mpingo uli na mwambo, ukupanga mapangano ghake, ntheura Uwu ukutora Zina la Mwenenthengwa. Ntheura Uwu ntha ndi mpingo wa charu. Uwu ndi Mpingo wa Fumu Yesu Khristu. Amen. Ntha... Ine ntha nkhung'anamura, icho, mwa zina. Ine nkhung'anamura, icho, mwa Kubabika, mwa chilengedwe, kwizira mu nkhangongo ya Chiuta. Kwizira mu Unenesko wakuvumbukwa wa Chiuta, mu mtima, Uwu ukuzgoka Mpingo wa Chikhristu, Mpingo ukuru wa charu chose wa Chikhristu cha apostoli. Uwu ukuzgoka gawo la Khristu. Para Uwu wachita icho, Uwu... Khristu wakunjizga mwa Uwu Mzimu Wake Yekha, Umoyo Wake yekha. Ndipo Baibolo likayowoya, kwa Adam na Eva, kula, "Imwe ntha ndimweso wâwiri, kweni yumoza." Ndipo para mwanakazi, Mpingo, watengwa kwa Khristu, iwo mbaŵiriso yayi. Iwo ndi Yumoza. Khristu mwa imwe! Amen. Ndicho ichi. Umoyo Wake wanjira mwa imwe, ntheura imwe mukuzgoka Mkwatibwi.

⁹⁷ Ntheura, chinthu chinyake, para iyo watora malumbiro ghose agha, na vinyake ntheura, ndipo mwambo wayowoyeka:

⁹⁸ Ngati, zina la muwoli wane wakaŵa Broy pambere iyo wakaŵa wandatengwe. Sono, iyo ntha wachali Broy. Iyo ndi Branham. Sono, iyo wachaliso Broy yayi. Iyo ndi Branham.

⁹⁹ Ndipo para imwe mwanjira mwa Khristu, imwe ntha ndimweso wâ charu. Imwe ndimwe wâ kwa Khristu. Mukuwona? Imwe ntha mukupwerera vinthu vyâ charu. Ivi ndi vyakufwa kwa imwe. "Pakuti iyo mweneuyo wakutemwa charu, panji vinthu vyâ charu, chitemwa cha Chiuta ntha chiri nanga ndi mwa iyo."

¹⁰⁰ Ntheura, imwe wonani, imwe mungâwa yayi Mukhristu wakuchita kupangika. Imwe mungamanya kuwa wakuchita kupangika, Mukhristu zina.

¹⁰¹ Kweni imwe mungâwa yayi Mukhristu, kuzgoka, mpaka Khristu wajinjizgemo Iyomwene, kwizira mu ubapatizo wa Mzimu Mutuŵa, mwa imwe. Ntheura imwe ndimwe wâkulumikizika na Iyo. Imwe ntha ndimweso wâwiri. Imwe ndimwe Yumoza. Khristu wakalayizga kuzakaŵa mwa ise, umo Wadada wâkawira mwa Khristu. "Ine na Adada Wane tiri Yumoza. Imwe na Ine tiri Yumoza." Mukuwona? Khristu mwa ise! Chose icho Chiuta wakaŵa, Iyo wakapungulira mwa Khristu. Ndipo chose icho Khristu wakaŵa, Iyo wakapungulira mu Mpingo, kuti warutirizge mlimo wa Ivangeli.

¹⁰² Ntheura ise tikuzgoka, ntha kwizira mu zina lakuchita kupangika, kweni kwizira mu chenekocheneko cha Mzimu Mutuŵa Wamoyo kutilumikiza ise mwa Khristu. Ntheura, kwizira mu nkhangono ya chiwuka Chake, ise tawuka ku vinthu vyakufwa nya charu, ndipo takhala na Iyo mu malo gha Muchanyachanya. Amen. Ine nkhuchitemwa icho. Usiku uwu, ise takhala mu malo gha Mchanyachanya mwa Khristu Yesu, wonani, tawuskika pamoza na Iyo; tikafwa ku vinthu nya charu, ndipo tatora nya Khristu. Ndipo para ise tatora nya Khristu, ntheura charu ntchakufwa, ntheura ise ntha tikupwerera nya charu. Charu ntchakufwa kwa ise. Ndipo ise ndise...Ndipo ntchakufwa kwa ise, ndipo ise ndise wakufwa ku ichi.

¹⁰³ Iwe ndiwe munthu wakulekana, maukhaliro ghakulekana, chifukwa iwe ndiwe chilengiwa chiphya. Chakulengeka! Ntha chakulengeka chenechira, chakupolishika; ntha—munthu uyo wajura peji liphya. Kweni munthu uyo wakafwa, ndipo wababikaso, ndipo wazgoka chakulengeka chiphya mwa Khristu Yesu, ndipo Mzimu wa Chiuta wamoyo ukukhala mwa munthu.

¹⁰⁴ Sono, kuyana waka na mwanakazi uyo ntha wachali Broy, iyo ndi Branham, ndipo iyo wakwendera zina lira.

¹⁰⁵ Ndipo Mpingo ntha uliso wa charu, kweni uwu uli mu Zina la Khristu, Uwu uli. Uwu ngwakulumikizika na Iyo, kwizira mu Umoyo Wake Yekha.

¹⁰⁶ Kasi imwe mukaŵazgapo mu Malemba, umo kuti munthu wakudankha, Chiuta wakalenga, wakaŵa—munthu paŵiri? Adam wakaŵa vyose Adam na Eva, kuyowoyanga kwauzimu, kweni para Iyo wakati walenga munthu wakudankha mu chikozgo Chake yekha. “Ndipo Chiuta ndi Mzimu.” Kweni, para Iyo wakati waŵâwika iwo mu thupi, Iyo wakaŵapatula iwo. Iyo wakatora mzimu wa chanarumi, wakaŵika uwu mu mwanarumi, ndipo wakatora mzimu wa chanakazi ndipo wakaŵika uwu mu mwanakazi.

¹⁰⁷ Sono, para imwe mukuwona mwanakazi wakukhumba kuchita ngati mwanarumi, chiripo chinyake chanangika. Para imwe mukuwona mwanarumi wakukhumba kuchita ngati mwanakazi, chiripo chinyake chanangika. Ntheura kukuwoneka ngati kuti charu chose ntchakwanangika, muhanyauno. Wânarumi wakuyezga kuchita ngati wânakazi; wânakazi ngati wânarumi. Ndimo kuliri. Ndi unenesko.

¹⁰⁸ Sono wonani. Ichi ntchakufikapo chomene, kuti para Chiuta wakatora ndipo wakapanga munthu, ndipo kuwoneska kuti Iyo wakakhumba yayi kuti uyu wapangike kufuma ku chinyake chakulekana, mwanakazi wakaŵamo yayi mu chakulengeka cha pakudankha. Ntheura iyo ntha walimo mu chakulengeka, kweni iyo ndi gawo la Adam. Iyo ngwakuchita kupangika. Iyo wakunjira kulwandi kwa Adam, ntha kuti wapange

chilengiwa chinyake, kweni kutoranga gawo la chilengiwa ndipo wakapanga chilengiwa chinyake kufuma ku ichi. Ndipo Iyo wakatora mzimu wa chanarumi uwo ukawa mwa Adam... Ndipo wakatora mzimu wa chanakazi uwo ukawa mwa Adam, mphanyiko, ndipo wakawika uwu mu mwanakazi. Ntheura, vyose mzimu na thupi, ivi vikazgoka chimoza.

¹⁰⁹ Chikaŵa chithuzithuzi chiweme ku icho Chiuta wakachita pa Mphinjika. Iyo wakatora Khristu, ndipo wakamulumikiza Iyo na Mpingo, kwizira mu chigaŵa chakuparuka, Iyo wakatora Ndopa izo zikatozga munthu, izo zikutuwiska thupi la Mpingo, ndipo zikuŵika Mzimu wa Chiuta wamoyo, uwo Iyo wakatora kufuma pa mphinjika kula, kufuma mwa Khristu, ndipo âwakuŵika Uwu mwa munthu payekha. Ntheura iwo ndi yumoza. Iwo âwakuzgoka yumoza. Khristu na imwe ndimwe yumoza.

¹¹⁰ Ndipo iwe na mfumu wako mukwenera kuŵa yumoza. Usange chiripo chinyake chakulekana, ipo chiripo chinyake chakwanangika na kulumikizana kwinu.

¹¹¹ Ndipo usange chiripo chinyake chakulekana na ise, kwa Khristu, ise ntha tikugomezga Mazgu Ghake, tikuti, "O, icho chikaŵa cha mazuŵa ghanyake," chiripo chinyake chakwanangika na kulumikizana kwithu na Iyo. Usange imwe mukuti, "Mazuŵa gha minthondwe ghali kujumpha; kulije machirisko Ghauzimu; kulije ubapatizo wa Mzimu Mutuŵa," chitorereni icho kumanyuma kumalo kunyake, icho chikuwoneska kuti Mzimu wa Khristu mulije mwa imwe.

¹¹² Chifukwa, "Mu mtendeko mukaŵa Mazgu, ndipo Mazgu ghakaŵa na Chiuta, ndipo Mazgu wakaŵa Chiuta. Ndipo Mazgu ghakazgoka thupi." Ndipo ntheura para Mazgu Ghake ghawonekera mwa imwe, ntheura, imwe wonani, imwe na Khristu ndimwe yumoza nyengo yira. "Usange imwe mukukhala mwa Ine, ndipo Mazgu Ghane mwa imwe, imwe mungamanya kuromba icho imwe mukukhumba," chifukwa ndimweso yayi munthowa yiriyose. Ndi Mazgu gha Chiuta, Khristu mwa imwe. Imwe mukuzgoka yumoza. Viri makora.

¹¹³ Ntheura, chinthu chinyake, para mwanakazi wachita ichi, para iyo wakwaniriska malumbiro ghake, ndipo wazomera nthengwa yake, ndipo watora zina la uyo wâwenge mwanarumi wake, zina la mwénenthengwa, ntheura iyo ndi muhaliri wa chirichose iyo wali nacho. Iyo ndi muhaliri wa chirichose. Muwoli wako ndi muhaliri wa chirichose iwe uli nacho.

¹¹⁴ Ndipo icho ndi chinthu icho Mpingo uli, usange Uwu ukachimanyenge waka ichi, pakuŵa gawo la Iyo na Mzimu Wake mu Uwu. Iyo wakati, "Milimo iyo Ine nkuchita imwe muzamuchita namweso. Yinandi kuruska iyi imwe muzamkuchita, pakuti Ine nkuruta ku Wadada Wane. Kanyengo kachoko, ndipo charu chindiwonengeso yayi Ine; kweni imwe muzamkundiwona Ine, pakuti Ine ndizamkuŵa

na imwe, nanga ndi mwa imwe, kufika ku umaliro wa charu.” Ntheura ndi Khristu mwa imwe. Imwe mwalumikizika pamoza, ndipo ndimwe wāhalirī pamoza na Iyo.

¹¹⁵ Ndipo usange Iyo wakawēnge pano pa charu chapasi, kasi Iyo nthena wakuchita vichi? Chinthus chenechira Iyo wakachita kula, chifukwa Iyo ndi mweneyura mayiro, muhanyauno, na muyirayira. Iyo mbwenu wapwererenge vyā mlimo wa Adada. Iyo mbwenu wachizgenga wāwarwari. Iyo mbwenu wachitenge minthondwe. Iyo mbwenu wachitenge waka ndendende icho Iyo wakachita para Iyo wakawā pano pa charu chapasi, chifukwa Iyo wakukhalirira mweneyura mayiro, muhanyauno, na muyirayira. Ichi ntchakufikapo waka. Iyo ndiyo nthengwa.

¹¹⁶ Kweni, sono, uli usange mwanakazi uyu mbwenu watengwa, wapanga malumbiro ghose agha na chirichose, ndipo iyo wakuzgoka mfumu wa mwanarumi uyu, ndipo iyo ndi muhaliri ku chose iyo wali nacho, na vinyake ntheura, ndipo pamanyuma iyo wayamba mtafu? Iyo wayamba kureka kupulikira. Iyo wakwamba, kwendezgananga na wānarumi wānyake. Apo pera yayi, iyo wakugawāna chitemwa chake na wānyake. Mwanarumi na muwoli wake, mapangano ghose agho iwo wāli kupanga, ndipo pamanyuma iyo wakuruta kuwaro ndipo wakuyamba kugawāna umoyo wake na wānyake, chitemwa chake na kutemwa kwake na wānyake.

¹¹⁷ Ichō ndicho Wākhristu wānandi wākuchemeka ntheura wākuchita, kugawānanga chitemwa chinu na charu: kuseŵeranga, kuvinanga, kukhalanga kunyumba kujombanga ku maungano gha visopo, kuti muwonerere television, mitundu yose ya vinthu vyā charu ivyo vyatora malo gha chitemwa cha Chiuta, mu mtima wa mpingo. Iyo wayamba kureka kupulikira. Iyo wakuchita mtafu. Iyo wakwendezgana na wānarumi wānyake. Iyo wakugawīzga chitemwa chake. Iyo watorenge chakhumi chake ichō iyo wakwenera kuti wapereke ku tchalitchi; iyo wagwiriskenge ntchito ichi pa vinthu vinyake kuwaro kula mu charu. Iyo... M'malo mwakutemwa Chiuta umo iyo wakwenera kuchitira, na kukhaliranga umoyo Chiuta, na kutemwa kwizanga ku tchalitchi, imwe pafupifupi mukwenera kuti mumukakamizge iyo kuti wafike.

¹¹⁸ Chifukwa, ine nkhumanya, kuno ntha kale chomene, a—mupharazgi wakandiphalira ine kuti iyo wakatuma malurombo ghanandi chomene... makadi ghanandi chomene, kuti wānthu wālembepo, mwakuti iwo wāpangane kuti wāfikenge ku Sande sukulu pafupifupi myezi sikisi mu chirimika chirichose.

¹¹⁹ Ndipo ine nkhwawona msungwana mulara pachoko kusika kwa phiri kula, uko ine nkagwiranga ntchito. Ndipo iyo wakiza kufuma kula. Ndipo ine nkayimirira pa muryango, wakakhung'uska pa chijaro, ndipo iyo wakiza ku muryango.

Ndipo iyo wakaŵa yumoza wa aŵa kuno ūakuseŵera bola Mwaluso, imwe mukumanya.

¹²⁰ Ngati gulu ili ilo iwo ūakachita kuŵamanga uku mu Phoenix usiku wamara, ine nkugomezga ukaŵa, ūakachitanga utimbanizgi wasono uwu wa—wa gwenyu-na-kunkhuru, panji kubinyukanga, chose icho chikaŵako, ndipo iwo ūakachita kutora ūapolisi kuti ūafike ūazakaŵatore iwo. Ŭana ūachichepere, kasi imwe mukupulikiska yayi kuti uwo ndi mzimu wa devulu? Pasi pa chikoka, mpaka iwo ūakamanya yayi icho iwo ūakaŵa, kuwaro mu misewu, kuchitanga viheni.

¹²¹ Kuyana waka na ūanyake ūanthabwara aŵa, panji ūakulizga marekodi aŵa, na ūamilangwe, na ūanyake ntheura, ūakuruta ku malo, mu msomba uko ine nkhaŵa. Ndipo madona ghanichi kuvuranga malaya ghawo gha mkati na kuponya pa gome, kuti mnyamata uyu waŵajambure. Kasi imwe mukumanya yayi kuti uyo ndi devulu? Ndi mzimu wa mazuŵa ghaumaliro. Nadi. Ntchasoni chomene. Apo imwe muli, ūamtatu.

¹²² Mwanakazi mwanichi uyu, iyo wakiza, kuchitanga viheni. Iyo wakamanya yayi kuti ine nkhaŵa... Wakandiruwa ine nkayimirira pa muryango. Ndipo iyo wakati, “O, mundigowokere ine. Ine nanguruwa za imwe kuti mwayimirira apo.” Ndipo iyo wakaponya mufyofyontho kwa mwanarumi yura pa rediyo, kwali ichi chikaŵa chivichi, ndipo wakati, “Ine namukumana nawe kuwaro ku Greenbrier Patch,” panji kwali ichi chikaŵa chivichi. Iwo ūakati ūâwenge na mtundu unyake wa dansi usiku ula.

Ndipo ine nkayowyota kwa Dr. Brown, uyo wakaŵa mubwezi wane.

¹²³ Iyo wakati, “Kasi gulu lako likujisunga uli kunena kula, Billy?”

Nkhati, “Makora.” Ine nkhati, “Ise tikuŵapasa mapilisi.”

Iyo wakati, “Mtundu uli wa mapilisi?”

¹²⁴ Ine nkhati, “Maivangeli. Ilo nadi likuŵapanga iwo kwizanga nyengo zose.” Mukuwona?

¹²⁵ Ndipo iyo wakaniphalira ine za icho, kulembanga mapangano ghara. Ndipo ine nkhati, “Dr. Brown, kasi iwe ukughanaghana kuti wakuseŵera Mwaluso yura pa rediyo yira wakwenera kuti wamupangiske msungwana yura kuti walembe phangano kuti iyo wamuŵako kula usiku ula? Yayi nadi. Iyo mbwenu wapinyoriskenge malaya agho iyo wavwara, kuti wakafike kula.” Chifukwa? Ndi chinyake mwa iyo icho ntchakulumikizika kwa iyo, mzimu, ku sangurusko lira la charu.

¹²⁶ Ndipo kufikira kuti Mpingo wa Chiuta wamoyo, uwo ukuchemeka Mkwatibwi wa Khristu, ufile iwowene pa kujilumikiza kwa Chiuta ngati ntheura, uwu urutirirenge ndithu

kuviviranga mu charu, mu matope gha kwananga, kufikira kuti uwu walumikizika kwa Chiuta mu nthowa yantheura, mpaka mtima wake ngwakuzura chomene na uchindami na nkhongono ya Chiuta, mpaka uwu ungawona chinyake yayi kweni Khristu. Uwo mbunenesko.

¹²⁷ Icho ndicho ise tikwenera kuti tichite. Iyo ndiyo pulani yekha pera, ndondomeko yekha pera iyo Chiuta wali nayo, ndi kuchita chinthu ngati icho. Imwe ntha mukwenera kuti munjiremo mwa kuchita kujipanga. Imwe mukwenera kuti mubabikiremo, ntha kututuzgikiramo, panji kwiza na kalata ku tchalitchi. Kweni kubabikira mu Mpingo wa Chiuta wamoyo, kwizira mu kusinthika, kwizira mu nkhongono ya chiwuka cha Yesu Khristu, icho chikumupangani imwe chilengiwa chiphya mwa Iyo. Amen. Icho chikunozga ichi. Icho chikuchita ichi. Nadi. Viri makora.

¹²⁸ Uwu ukuyamba mtafu. Uwu ukuyamba kugâwana chitemwa chake na âwanyake, vinthu vyacharu, sangurusko za charu, kurutanga ku malo uko uwu ntha ukwenera kuruta, kuyowoyanga vinthu ivyo uwu ntha ukwenera kuti uyowoyenge.

¹²⁹ Kuno nyengo yimoza ine...Iwo âwakâwa na madona... mtundu unyake wa phwando la mpingo mu vipinda vya muchanya. Ine mbwenu vikachitika kuti nkhaâwa na chinyake chakuchita mu chipinda chapasi cha nyumba. Ndipo ine nkhumuphalirani imwe, ine ndiri kupulikapo vinthu vinyake vyakofya para ine nkhaâwa wakwananga, kweni, ungano ula wa âwanakazi, ine nkhaâwa nindapulikepo milangwe yiheni chomene mu umoyo wane wose. Kasi imwe mungalingalira, munthu uyo wakuchemeka Mukhristu, wangamanya kuzomerezga ukazuzi wantheura kufuma kwa iwo?

¹³⁰ Imwe munganegha yayi maji ghaweme na ghaheni kufuma pa chisime chimoza. Imwe munjizge chithini mu chisime, ndipo ichi chikufuma ntchakuzura na minyololo, ise ndimo tikuchemera iyi. Para imwe mukunjizgamoso chithini, ichi chifumiskenge chinthu chenechira. Chisimi chikukhumbikwa kutozgeka, na kuzuzgika na maji ghaweme.

¹³¹ Icho ndicho chikuchitika na mpingo muhanyauno, kuyowoyanga za charu chose, kuti uwu ukukhumbika kutozgeka, kuzuzgika na maji ghatuwâ gha Chiuta kufuma Kuchanya. Mtima wake wazgoka chinkhando cha chirichose icho chikwiza. Uwu uli na âwabwezi âwa mitundu yose. Baibolo likati uwu uzamkuâwa nawo. “Wakutemwa vyakusekereska kuruska kutemwa Chiuta, âwaheni, âwakususka mwantesi, âwambura kujikora, na âwakunyoza iwo âweneawo mbaweme.”

¹³² Wonani mwanakazi uyo wakuyezga kukhala umoyo wakwenerera, mwanarumi uyo wakuyezga kukhala umoyo wakwenerera, iyo wakuzgoka “mutuâ-wakukunkhuruka,” mwanakazi wakuzgoka “wakunyanyira,” panji chinthu chinyake

chamachitiro ghakale. Iyo ndi wakutayika. Iyo ngwakunyozeka na wakukanika na wānthu wā charu ichi. Uwo mbunenesko.

¹³³ Kweni kasi imwe mukawonapo icho Mpingo weneko ukwenera kuchita? Mu Chipangano Chakale, para iwo wākawāna—sembe, iwo wākakoma kayuni kamoza, ndipo wākawīka ndopa za kamoza pa kanyake, kanyake kakufwa; ndipo aka kakawuruka muchanya pa charu chapasi, kuwazganga ndopa za kanyake kakufwa. Para Mpingo wazgoka Mkwatibwi mweneko wa Yesu Khristu, Uwu unyamurenge Ndopa za Yesu Khristu na Uwu, kuwazgiranga izi pa dongo, kuchemanga, “Mutuŵa, mutuŵa, mutuŵa kwa Yehova.” Kaŵiro kake, chirichose cha uwu chiwēnge cha Chiuta. Kapangikiro kake kose kaŵenge ka Chiuta. Imwe mungakhazga chinyake yayi.

¹³⁴ Ndicho chifukwa wānthu wākwiza ku tchalitchi, nakoso. Ntha kuzakasewera makadi na kuseŵera beti, kuvina mu chipinda chapasi, kuŵa na maphwando gha msuzi na vinthu ngati ivyo. Ivyo ndi vya charu. Ndipo ise tikwaniskenge yayi kujilinganizga na iwo, ndipo soni kwa ise chifukwa cha kuyezganga ichi. Ise tikwenera kuti tipharazgenge Mzimu Mutuŵa, mu nkongono, na chiwuka cha Khristu. Ise tiri na chinyake icho iwo wālije. Tiyen iikhale umoyo wa ichi, ntha kuyezga kukoperanga vya iwo. Khalani umoyo wa icho ise tikumanya kuti ndi unenesko. Khalani mwa Khristu. Yesu wakati, “Usange Ine naruta kuchanya, Ine ndizamkutorera wānthu wose kwa Ine. Imwe ndimwe muchere wa charu chapasi. Kweni muchere wataya nkongono yake, ntheura uwu nguweme yayi kweni kuti uponyeke kuwaro na kudyakika kusi ku marundi gha wānthu.” Maukaboni ghithu!

¹³⁵ Ndicho chifukwa, nanga ndi magulu ghithu gha Chipentekosite, uheni umo ine nkutinkhira kuyowoya ichi, magulu ghithu gha Pentekosite ghakuwira nkhanira mu chinthu chenechira, nkhanira mu kachitiro kenekala. Ndipo ndicho chifukwa wānthu wākuyowoya kuti iwo wālije icho iwo wākuyowoya kuti wāli nacho. Mpingo uwu wa chakuchitika cha chipentekosite ukwenera kuŵa wakumangika chomene pamoza na nkongono ya Chiuta Mwenenkongono, mpaka Umoyo weneula wa Yesu Khristu ungamanya kuwonekera mu Uwu.

¹³⁶ Kweni ise tikukhumba kujilinganizga na charu. “Ise tichitenge ichi, munthowa yiriyyose.” Mukuwona? “Ise tikukhumba kuti tiŵe na nthowa yithu ya ichi.” Kweni ise tingachitanga yayi ichi. Ndi kwananga kuchita ichi. Mipingo yiri ngati waka mwanakazi, yachita mtafu.

¹³⁷ Chinthu chakudankha imwe mukumanya, uwu ukuŵa makora, pa chiyambi para Chiuta wakati wayamba Mpingo uwu wa pentekosite, pafupifupi virimika fote panji fifite vyajumpha. Uwu ukakhala umoyo utuŵa. Uwu ukuŵa utuŵa. Nkhongono ya

Chiuta yikawá na uwu. Kweni apo ise tikurutirira, ise tikuyamba kukozgana na charu.

¹³⁸ Chinthu chakudankha imwe mukumanya, ise tikukhumba kuti tiwé na nyumba iyo njikuru chomene kuti yiruske wá Methodist pa kona kusiryu linyake. Ise tikwenera kuti tiwé na chinyake chikuru chomene, chinthu chikuru chomene, na chinthu chikuru chomene, na chinthu chikuru chomene. Ichi ntchasoni. Wanandi wá ise tikujikwezga taŵene para ise tasanga... M'bale wa Pentekosite wakumuwonera munyake pasi, kagulu kachoko, panji tchalitchi lichoko, ndipo iwo wakuruta ku tchalitchi likuru. "Ise tiri mu mpingo wakudankha, panji mpingo ukuru," panji chinyake ngati icho; kuŵayuyura iwo.

¹³⁹ Icho imwe mukukhumbika ndi Mzimu Mutuŵa, kuti umuphwafureniko imwe pachoko, uwo mbunenesko, kumupangani imwe mumanye kuti ubapatizo weneko wa Mzimu Mutuŵa umupangenge wa suti yifipa waŵike mawoko ghake pa maovoloro na kuti, "m'bale." Mubnenesko. Chiponosko cheneko cha nyengo-zakale, nkhongono ya Chiuta Mwenenkhongono, enya, bwana, umupangenge wa diresi lakale la siliki kuŵika mawoko ghake pa wa diresi la kaliko, na kuti, "Mlongosi, ine nkhukutemwa iwe." Nadi wachitenge.

¹⁴⁰ Kweni ise tikuyamba kuruta kuwaro pamoza na charu, kurutanga na majigha. Mpingo withu wachita. Ise ntha tikwenera kuti tiyowoyenge za wá Methodist na wá Baptist munthowa yiriyose. Ichi ndise taŵene. Ichi chiri mu magulu ghithu. Ndicho chifukwa Mzimu Mutuŵa wangasuntha yayi. Ndicho chifukwa ine nkhuyowoya kuti Chiuta wangawika yayi kukhozgera Kwake pa bungwe lirilose usiku uwu. Chifukwa, Wamitundu ntha wâkatoreka ngati fuko. Iwo wâkawá wânthu kufuma pa Wamitundu, chifukwa cha Zina Lake. Chiuta watorenge wânthu payekhapayekha.

¹⁴¹ Sono, ine nkhugomezga kuti mabungwe ghithu ghakuchita ntchito yiweme. Icho chiri makora. Kweni imwe mungagomezga yayi pa icho, kuti, "Ine ndine wa pentekosite, chifukwa ine ndiri mu bungwe la Pentekosite." Iwe ndiwe wa pentekosite para iwe wapokera chakukuchitikira cha chipentekosite. Ine nkhupwerera yayi usange iwe uli mu mpingo wa Katolika, iwe ndiwe wa pentekosite. Imwe mungaupanga bungwe yayi wa Pentekosite. Pentekosite ndi chakumuchitikirani, ntha bungwe. Ndipo uwo mbunenesko.

¹⁴² Kweni ise wânthu wá Pentekosite tiri kuyamba kughanaghana, chifukwa chakuti ise tiri na zina la Pentekosite, ise tingamanya kurutirira na kukhala mu charu, kuchita chirichose ise tikukhumba kuchita. Ise tiri ngati kukweranga chigongwe cha Nimrod; ichi chimalirenge ku vyoto. Ngati chakuvwara cha Adam cha khuni la chikuyu; uwu uwererenge

kumanyuma. Ngati linga la Siegfried mu France, Linga la Maginot mu Germany; ili likawa.

¹⁴³ Chifukwa, kulije chigongwe chinyake, kulije chakuyimapo chinyake. "Kweni Zina la Yehova ndi chigongwe chakukhora uko ḫarunji ḫakuchimbirirako ndipo mbakuvikiririka." Para imwe mwachimbirira mu Ichi, imwe mukutora Zina, Zina; ntha kuchemekanga waka Zina, kweni Zina na munthu uyo imwe muli, wakukozgana na Khristu mu umoyo. Amen. Ngwakuziziswa Iyo wali. Enya.

¹⁴⁴ Mpingo wachita ntheuraso, kuchitanga mauzaghali ghauzimu, ngati mwanakazi uyo wangaperekwa chitemwa chake kufuma ku mfumu wake kuruta ku mwanarumi munyake. Mwanakazi yura ndi wakwenerera yayi kukhala nayo. Imwe mukumanya icho. Ndipo para mpingo wayamba kugawana wenewenawene wake na charu, Chiuta ndi Chiuta wasanje. Iyo wakamutaya Israel chifukwa cha icho, ndipo Mwana Wake watayenge kutali chinthu chenechira.

¹⁴⁵ Iyo wazamkuwa na Mkwatibwi uyo walije nkhwinya mwa Iyo. Amen. Iyo kwathunthu ngwakuchapika kwizira mu Ndopa za Iyomwene. Uwo mbunesesco. Ntheura ise tikuwona apo ise tayimirira, ukwati uli pafupi kuti uchitike.

¹⁴⁶ Sono, ise tikusanga kuti uwu ukuchita mauzaghali ghauzimu, kwendezgananga na charu, kuyowoyanga chinyake, kukhalanga umoyo unyake wakulekana. Icho chigwirenge ntchito yayi. Icho mpingo ukwenera kuti uchite, ndi kuchita ngati ndiumo Estere wakachitira. Estere wakakana kujitoweska na vyacharu.

¹⁴⁷ Ise tikulimanya buku lichoko lira la Estere, umo kuti Modekayi...Sibweni wake wakawa na mwana mwanakazi. Ndipo wakawa kusika mu nyengo ya kuwusa kwa Medes na wa Persia. Ndi chithuzithuzi cha mtundu uweme chomene kula. Fumu, yimoza ya mafumu ghakuru chomene mu charu nyengo yira, iyo yikawa na chiphikiro chikuru. Ndipo iyo yikachema fumukazi kuti wazakakhale pafupi na iyo, kweni iyo wakachita yayi ichi. Iyo wakakana kuchita ichi. Ntheura kasi iyo wakachita vichi? Iyo wakayuyurika chomene, wakamanya yayi chakuti wachite, kuti muwoli wake yekha wakakana kwiza.

¹⁴⁸ Ine nkhughanaghana icho chiri ngati Khristu muhanyauno. Khristu wali kutichema ise kuti tikhale mu malo gha Mchanyachanya na Iyo, ndipo ise tikuchita soni na ichi. Wantru wanandi ḫakuchita soni kuyowoya kuti iwo wantri na ubapatizo wa Mzimu Mutuwa. Wantru wa Pentekosite, uwo mbunesesco, iwo ḫakuchita soni kuyowoya ichi. Ise tikuchita soni na Iyo.

¹⁴⁹ Ndipo ntheura fumukazi yikiza yayi. Iyo wakakana kwiza. Ichi chikayuya fumu. Chisko chake chikachesama. Waliyose wakawona.

¹⁵⁰ Ine nkhumanya yayi usange chisko cha Yesu chikuzgoka chiswesi yayi pachoko, nachoso, para Iyo wakutichemera ise ku mlimo, wakutichemera ku chakuchitika cha Chipentekosite kuti tiwe na wenenawene na ubale, Ndipo ise tamamatirana chomene mu magulu ghachokoghachoko mpaka ise tikukhumba yayi kupulikira vyā munyake. Ise tiri chomene, tikuchita chomene vyā charu na vinthu ngati ivyo, ise tikuchita soni na zina la Pentekosite. Wantru wanyake wali na wofi kuyowoya. Kuti, “Enya, ine—ine ndiri mu... Ine ndine Mukhristu, kweni...” Ine ndine wakukondwa kuti ndiri na chakundichitikira cha chipentekosite. Amen. Ine ndine wakukondwa kuti nkhumanyikwa na Zina la Yesu Khristu. Ndi mwawî ukuru chomene uwo ine nkhaŵapo nawo, kuyowoya kuti ine ndine gawo la Iyo.

¹⁵¹ Sono ise tikusanga kuti, pamanyuma, iyo wakatora wantru wanyake, kuti waŵafumbe chakuti iyo wachite. Ndipo iwo wakati, “Usange ichi chikurutirira ngati nttheura, wanakazi wose mu charu watorenge chiyezgerero cha fumukazi.”

¹⁵² Nkhumanya, icho ndicho chikuchitika usiku uwu. Ine nkhulaŵiska pa wanakazi wanyake âwa. Ine nkhugomezga kuti ntha nkhweteka malingaliro ghinu, ndipo kweni ine nkhuchita, ine nkhugomezga nkhuchita. U-huh. Mbunenesko. Kuyezganga kuâ ngati fumukazi uyu, na kadumuliro ka sisi aka kakuwumba mutu. Ine ndiri kuchiwonapo yayi chinthu chantheura mu umoyo wane wose.

¹⁵³ Dazi linyake kukaŵa mwanakazi wakiza mu sitolo umo ine nkhalindizganga muwoli wane, ndipo mutu wa mwanakazi yura ukaŵa ukuru *mwantheura*, ndipo iyo wakaŵa na penti wa girini musi mu maso ghake. Ine nkhati, “Werera, muzguka. Ine ndiŵenge makora.” Agha ghakawa mawonekero ghakofya chomene. Agha ghangamanya kumuwofyanu imwe. Kasi ntchichi ichi? Fumukazi. Ndi fumukazi. Ndicho ichi. Ndipo iwo wakutora chiyezgerero kwizira mu icho.

¹⁵⁴ Ndipo rekani ine ndiyowoye ichi sono. Ine ntha nanguowoya ichi mwakusekapo waka, kweni mu ntharika, mwakuti imwe mungamanya kuchiwona. Icho ndi ndendende icho imwe Wâkchristu wâlara mukuchita ku wanichi âwa. Unenesko ndendende. Imwe mukwenera kuâ viyezgerero. Imwe wâ Pentekosite imwe mukuyowoya kuti muli na Mzimu Mutuŵa, imwe mukwenera kuti muwe chiyezgerero ku wâ Methodist, na wâ Baptist, wâ Prezibetere. Ntha ngati fumukazi, kweni ngati Yesu ndimo imwe mukwenera kuti muwonekerenge. Iyo wakumuphalirani imwe *Apâ* chakuti muchite, umo mungachitira ichi. Ise tikwenera kurondezga marango Ghake na viyezgerero. Kweni umo ndimo ise tikuchisangira ichi. Estere...

¹⁵⁵ Fumukazi iyi, uyu wakapulikira yayi. Uyu wakiza yayi; wakamuyuyura iyo. Wakati, “Usange—usange fumukazi iyi ya

charu yikupanga chiyezgerero ngati icho, wānakazi wānyake wose wāchitenge ichi. Ntheura pamanyuma para mwanarumi wakuchemeska muwoli wake, muwoli mbwenu wakuti, ‘Ruta ukanjire mu mronga.’” Mukuwona? Mnyamata, iyo wakaroskera nadi za America, wakachita yayi iyo? Sono, ise tikusanga kuti, mu kuchita ntheura, ntheura kukaŵa mwanarumi uyo wakaŵa na vinjeru kukhwaskana na iyo, wakiza ndipo wakadumbirana na fumu. Iyo wakati, “Chinthu chakuti muchite ndi kumureka mwanakazi. Ndipo tumani uthenga mu charu, ndipo chemani wāmwali wose awo wāliko, wāmwali wānichi, ndipo kula jisankhireni mwāwene muwoli.”

¹⁵⁶ Ichi chikayikondwereska fumu. Ntheura iyo wakatuma, ndipo iyo wakatuma wāntchito wākunozga vipinda, na vinyake ntheura, awo wākarutanga kuti—kuti wākatore wāmwali wose wānichi awo wāngawāsanga, wānakazi wākutowa mu maufumi ghose na vigāŵa ivyo iyo wakalamuliranga, ivyo vikāŵa vikuru chomene mu charu.

¹⁵⁷ Ndipo para iyo wakati wachita, ichi chikafika kwa msungwana muchoko uyu Muyuda. Iyo wakaŵa ngati wakukanika nthena, chifukwa, ngati Wāmitundu, imwe wonani, iyo wakaponyeka ku lwandi limoza. Ndipo iyo wakaŵavye dada na mama. Ndipo Modekayi, sibweni wake wakamuleranga iyo. Ndipo iyo wakenera kuti warute, kuti wakayime nawo.

¹⁵⁸ Ndipo ntheura icho iwo wākachita, iwo wākawātora wāsungwana aŵa kuti wākatozgeke pa myezi yinandi. Iwo wakenera kuti wāwāthire vyakununkhira na kuchita mitundu yose ya kuŵatoweska, na kuŵanozga iwo, mwakuti iwo wāngamanya kuruta panthazi pa fumu.

¹⁵⁹ Sono, pafupifupi umo ndimo charu chikukhumba kuti chiwunozgere mpingo muhanyauno. Kuwutoweska uwu na vya charu; kuwulinganizga na vinthu vya charu; kuyezganga kuti wāsange mamembara ghanandi, kuzomerezganga chirichose mu wenewawene wawo. Mwe! Ndi chinthu chachitim. Bungwe limoza kuyezganga kuruska limoza linyake, kutoranga waloyose kuŵa membara. Imwe mungamanya kuŵazomerezga iwo mu bungwe ili, kweni iwo wānjirenge yayi mu wenewawene wa Khristu kufikira kuti iwo wātozgeka ndipo wābabikaso na Mzimu wa Chiuta. Uwo mbunenesko. Iwo panyake wāngawā na zina lawo pa buku apa, kweni ntha kuchanya Kula, pa Buku la Mwanamberere Wamoyo, mpaka ili lilembeke na Ndopa za Fumu Yesu.

¹⁶⁰ Wānakazi wose, iwo wākajitzga iwoŵene palipose, kuti wāwoneke makora. Ndipo, o, ine nkhumanya kulingalira kuti iwo wākapanga mawonekero ghanyake pa iwo, panyake kuyana na fumukazi na wānyake ntheura. Iwo wākajitoweska iwoŵene chifukwa wākarutanga kukawonekera panthazi pa fumu.

¹⁶¹ Ine nkhughanaghana kuti icho pafupifupi ndicho chikuchitika na mipingi yithu muhanyauno. Iwo wose wakuyezga kujinozga iwoŵene, mwa vyacharu, kuŵa na vyakusekereska vya charu, vinthu vya charu mu iyi, kuchitanga vinthu ivyo ndi vya charu, kulumikizananga na charu, kughanaghana kuti iwo wakumanenge na Fumu. Chiuta walije ntchito na icho. Iyo wakutinkha icho. Kweni ise tikukhumba kuchita ngati charu.

¹⁶² Mipingo yithu yinyake, ine ndiri kuyowoya, yikukhizgira pasi mphiringizgo, kusankhiramo madikoni, na wanyake nttheura, mu mpingo, ndipo nyengo zinyake wâliska, awo wali kutorapo kanayi panji kankhonde, ndipo—ndipo wanyake wâ iwo awo wakukhweŵa ndudu. Wakuti, “Iwo—iwo wazamureka ichi. Iwo wâwenge makora.” Mukutora munthu kufuma ku malo ghakumwera mowa usiku umoza, ndipo mukumuŵika iyo pa gome usiku wakurondezgako. Ine nkhugomezga yayi mu chinthu chantheura. Ine nkhugomezga kuti munthu wakwenera kuti wasimikizgirike, uwo mbunenesko, wasimikizgirike. Ine nkhumuphalirani imwe, nyengo zinandi ise tikuchema...

¹⁶³ Ine nkhugomezga mu ubapatizo wa Mzimu Mutuŵa. Ine nkhugomezga mu kuyowoyanga malilime, kweni ine nkhughanaghana kuti ise tikulimbikira chomene pa icho. Mwanarumi wangamanya kuyowoya malilime, ndipo mwanakazi wangayowoya malilime, ndipo usange umoyo wa mwanakazi na umoyo wa mwanarumi ntha vikulingana na malilime agho imwe mukuyowoya, nttheura ili ndi lilime lwakwanangika, chifukwa Mzimu Mutuŵa wamupangeninge imwe kuchita ngati Baibolo. Uwu umutorereninge imwe ku uzari wose wa msinkhu wa Khristu.

¹⁶⁴ Imwe mutore munthu uyo wakuyowoya malilime, wali na ukali wakukwanira kuti wangatimbana na chakuchekera mathabwa, ndipo wakuyowoya za wâzengezgani, na chirichose ngati nttheura. Chifukwa, imwe mukuchema uwo Mzimu Mutuŵa? Uwu ungaŵa yayi. Yayi, bwana.

¹⁶⁵ Mzimu Mutuŵa ndi kufwasa, chimwemwe, mtende, kuzizipizga kukuru, uweme, kujikora, chizizipizgo, chipulikano. Mzimu Mutuŵa, icho ndi chipambi cha Mzimu, icho Mzimu Mutuŵa ukupambika mu Mpingo wa Chiuta wamoyo, uweme, na kujikhizga, kuijuyura, chitemwa kwa yumoza na munyake, kuzizipizga kukuru.

¹⁶⁶ Usange m'bale wananga, ntha mungamutchayanga waka iyo panji chinthu chinyake. Rutani kwa iyo ndipo muwone usange imwe mungamuwezgako iyo. Ntha mungalindizganga mupharazgi kuti wachite ichi. Imwe chitani ichi, panji munthu munyake. Mupharazgi wangachita yayi vyose, nesi madikoni. Waliyose, ndi membara wa Thupi ili la Khristu, wakwenera kuti wamupenje yumoza na munyake. Ise tiri... Ndipo usange ise tiri

na Mzimu wa Khristu mwa ise... Iyo wakasambizga ntharika yikuru. Iwo wakareka nayinte na nayini, ndipo wakaruta kukapenja yimoza yira. Icho ndicho ise tikwenera kuchita. Kweni ise tikuti, “O, rekani iwo warute.” Ise tingachitanga icho yayi. Ise tikwenera kuwa wakujikora, wakugowokera, wakuzizipizga kukuru. Icho ndi chipambi cha Mzimu.

¹⁶⁷ Sono, ise tikujisanga taŵene pamanyuma, Estere yura, para iyo... Iwo wakamuŵika iyo mu ghamoza gha malo agha, kuti wajinozge iyomwene, kuti wakajiwoneske panthazi pa fumu. Mwe! Iyo wakachikana ichi. Iyo wakachikhumba yayi ichi. Iyo wakakhumbanga kuti warute ngati ndiumo iyo wakaŵira. Amen.

¹⁶⁸ Ise tiri nayo muhanyauno mipingo yira iyo yikukhumba kuchita ngati charu, panji chifukwa chakuti ise tafika pa kujikwezga. Chiuta wakati, “Nyengo yimoza iyo wakaŵa mwanichi, iwo wakamutumikira Iyo. Kweni para iyo wakati wakura, ntheura iwo wakamuruwa Iyo.” Uwo mbunenesko.

¹⁶⁹ Para ise tikaŵa na piano wa chibekete kuno pa nthowa kumalo kunyaķe, na tamborini, kutchayiskanga uyu kuseri kwa mawoko ghithu; na gitala lakale, kulizga ili; na kuŵanga na ungano pa msewu, imwe mukaŵa wakujikhziga. Kweni para ise tafika pa kuwa na nyumba za madola mamiliyoni ghatatu panji ghanayi, na vinthu vikuru ngati ntheura, ntheura ise tikuŵa wamtafu chomene ise tikuruwako za icho, uwo mbunenesko, taphakara charu.

¹⁷⁰ Ine nkharuta ku malo dazi linyake uko, m'bale mutuŵa, kukâwa gulu la wanthu likamugwiriranga ntchito iyo. Ndipo usange mwanakazi waliyose wafika kula pa nyengo ya coffee, kuti wazakamwe coffee pa nyengo ya kupumula, mwanakazi waliyose mwenemula wakaŵa na sisi lifupi ndipo wakapenta milomo. Sono, imwe mukuti, “M'bale Branham, iwe ulije chakuchita kuyowoyanga icho.” Ine ndiri nacho. Baibolo likuyowoya icho. Uwo mbunenesko.

¹⁷¹ Wanakazi wâ Pentekosite wakuvwara malaya agho nga chanarumi, ndipo Chiuta wakati ndi ukazuzi mu maso Ghake. Uwo mbunenesko. Kasi imwe mugomezgenge uli kuti mukuruta Kuchanya ngati ntheura? Ichi chikuwoneska kuti Mzimu Mutuŵa mulije mula. Usange Mzimu Mutuŵa ukaŵengemo mula, Uwu mbwenu ukususkenge iwe. Mbunenesko. O, iwe panyake ungachemerezga, ungayowoya malilime, ungachimbira kukwera-na-kukhira, ungavina mu mzimu. Ine ndiri kuŵawona wâ Hindu wakuchita icho, na Wamwenye, na chinyake chirichose. Icho ntha chikung'anamura kalikose, pekhapekha muli umoyo kuti ukhozgere icho iwe ukuyowoya, nkhongono ya Mzimu Mutuŵa, kuti upange wanthu wakukhala umoyo wauchiuta. Uyo ndi Mkwatibwi wa Khristu.

¹⁷² Estere wakati waŵenge mkwatibwi, ntheura iyo wakakhumba yayi chirichose vyakujitowesker aya charu. Iyo wakakhumbanga kuti wakanjire, kwa fumu, umo iyo wakawira. Iyo wakajitoweska iyomwene ngati ndiumo wānakazi wa chipentekosite wākwenera kuchitira, na mzimu wakujikhizga. Ndipo para wose wākujitoweska aŵa, mafumukazi ghakati ghafika, na maviniro ghawo ghose ghasono, fumu yikāwalawiska iwo, ndipo wākawāwika mu chipinda na wānakazi wāmuseri. Kweni para Estere uyu wakati wafika mu maso ghake, ndipo iyo wakauwona uweme ula, wakujikhizga, mzimu wakufwasa, iyo wakati, "Yura ndiyo. Ruta ukatore mphumphu ndipo ukaŵike pa mutu wake." Ndicho ichi.

¹⁷³ Warekani iwo wājitetoweske iwoŵene na mtundu ula wa mzimu, ntha wānakazi pera, kweni wānarumi, nawoso, wākujitetoweska iwoŵene na mtundu ula wa mzimu. Ntheura imwe mukunozgekera kuti muŵenge—Mkwatibwi, muweme, wantchindi. Estere wakatozga mtima wake.

¹⁷⁴ Kuli vinandi chomene ivyo ise tikupwererera, chakuwaro ichi, o, ili likwenera kuti liŵe na vinandi chomene vyakufumiskirapo mankhwanda, na vinandi chomene vya ili, kuti—kuti muchite ichi.

¹⁷⁵ Kuno nyengo yinyake kale, ine nkhayimirira mu—nyumba yakusungiramo vyakale mu Tennessee. Ine nkhajumpha kufupi na malo ghachoko, ndipo agha ghakawoneska kafukufuku wa thupi la munthu. Agha ghakati munthu uyo sikelo wakawā sikisite kilogiramuzi, mu vyakupangira wakawā pa mtengo wa eyite-foru cents. Sono, iwe ndiwe munyake, ndiwe yayi iwe, eyite-foru cents? Ndipo wānakazi wānyake, wānakazi wa Chipentekosite, wāwarenge chikhoti chaweya cha fayi-handiredi dolazi na kunyamuska mutu wawo muchanya, usange kukarokwa vura, iyi mbwenu yiŵazumbwiskenge iwo, ndipo iwo ntha wākukwana nanga ndi eyite-foru cents, uwo mbunenesko, vyakupangira. Uwo ndi unenesko, nthabwara yayi. Uwo ndi unenesko. Eyite-foru cents, pafupifupi layimu wakukwana kupentera chitupa cha nkhuku, na kasiyamu pachoko na vinyake ntheura. Eyite-foru cents, imwe muchiwoneseske mwatcheru chomene icho.

¹⁷⁶ Imwe mwaruta ku resitoranti ndipo mukusanga...mwatora mbale ya msuzi ndipo mula muli duŵeluŵe mu iyi, imwe mbwenu muyitorerenge ku khoti resitoranti.

¹⁷⁷ Kweni imwe mukumuzomerezga devulu wanjizge ma television ghakazuzi ghakale na makadi mkat iku singo linu, ndipo mukumiza ichi; wakumupangani imwe kuvwara malaya ghakale ghakazuzi, wānakazi aŵa, malaya ghachoko agha ghakuthina ngati soseji, ndipo mukwenda kuwaro uku pa msewu ngati ntheura. Ndipo iwe ukumanya, mlongosi wane,

ine ntha nkuyowoya icho mwanthabwara. Iwe ukunipulikiska yayi ine.

¹⁷⁸ Tegherezgani. Ine nkuyowoya ichi. Iwe ukuchita ngati ntheura, ndipo pa Dazi la Cheruzgo iwe wamkuŵerengeka ngati muzaghali. Mbunenesko. Yesu wakati, “Waliyose uyo walawîska mwanakazi na kumukhumbira iyo wachita chigololo na iyo mu mtima wake.” Ndipo para wakananga yura wakwenera kuti wakazgore chifukwa cha kuchita chigoloro, kasi wapangiska ndinjani? Iwe. Ndinjani wapangiska ichi? Iwe. Uwo mbunenesko. Usange iwe wajiwika wamwene kuwaro kula, kuti uwoneke panthazi pa wânarumi, kuwa ngati charu na kuvwara ngati charu.

¹⁷⁹ Ine nkayowoya icho nyengo yimoza, ndipo mwanakazi, mu Louisville, Kentucky, iyo wakati, “Enya, pulika kuno, Mr. Branham. Ine ndikupangenge iwe kuti upulikiske sono nthena!”

Ine nkhati, “Enya, mama?”

Iyo wakati, “Uwo ndi mtundu wekha pera wa madiresi iwo wâkupanga.”

Ine nkhati, “Iwo wâkupanga makina ghakusokera ndipo wâkuguriska salu.”

¹⁸⁰ Ndi chifukwa chakuti iwe ukukhumba kuchita. Muli chinyake chakwanangika mwa iwe. Uwo mbunenesko ndendende. Imwe mukuchita ichi ntha chifukwa chakuti iyi ndi fashoni. Imwe mukuchita ichi ntha chifukwa chakuti imwe mukwenera kuchita. Imwe mukuchita ichi chifukwa imwe mukukhumba kuchita.

¹⁸¹ Imwe mukukhweŵa chifukwa imwe mukukhumba kuchita. Imwe ntha mukwenera kuchita. Ine nkughanaghana kuti chinthu chauchindere chomene icho ine ndiri kuchiwonapo wakâwa mwanakazi wakwenda mu msewu, ngati ndiumo imwe mukuwonera waliyose, wakutchika galimoto, wali na ndudu zira pakatikati pa njôwe zawo. Chifukwa, ichi ntchasoni. Uyo ndi munthu muheni chomene wakuzomerezga murwani uyo ise tiri nayo mu charu, para madokotala na wâchipatala wâkuti yuu ngwakuzura na kansa na chinyake chirichose. Ndipo iwo wâkukhweŵa yuu, nyengo yose.

¹⁸² Muwoneni mwanakazi, wakwenera kuti waŵe Mukhristu, wakhala uko mumphepete mwa nyanja, kugezanga pamoza na wânarumi, wavwara malaya ghakugezera, wayimilira uko. Ine ndiri na wâsungwana wâwiri. Ine ntha nkuyowoya kuti iwo wângachita yayi ichi. Iwo wâkuyowoya kuti iwo wâkupokera kuwâwurika na zuŵa. Iwo wâwurikenye ngati mwana usange ine ndiri wamoyo. Uyu waŵenge mwana wa uyu. Mukuwona? Uyu waŵenge mwana wa Mr. Branham, na thabwa litali pafupifupi ngati ntheura. Ine nkugomezga uku ndi kwananga.

¹⁸³ Ntheura ise tikujichema taŵene, “O, ise ndise membara wa mpingo wa Pentekosite.” O, soni kwa imwe! Mbunenesko. Mpingo wa Pentekosite ukukhumbika kutozgeka, ulendo wose kufuma kunthazi kufika kumanyuma, na kwenda mu chipinda chakusungiramo, na m’chipinda cha kuchezgera, na vipinda vya muchanya. Uwo mbunenesko. Ndipo kweni, mu chose ichi, ndi chiweme chomene icho ise tiri nacho. Kweni ichi chingamanya . . .

¹⁸⁴ Ngati mu nyengo yakusintha na mu nyengo ya Joan wa ku Arc, France wakakhumbikanga kusinthika, ntheura iwo ŵakukhumbika munthu wakudangilira kusintha kuti wanyoroske vinthu vinyake ivyo iwo ŵakawukiranga.

¹⁸⁵ Ndipo mpingo wa Pentekosite ukukhumbika kusinthika. Mbunenesko. Nadi ukukhumbika. Kuwukira kususka vinthu ivyo ndi vyakwanangika, na kuzomera vinthu ivyo ndi viweme, amen, ubapatizo wafureshi wa Mzimu Mutuŵa: “Mpingo kuti ujipange Iwowene wakunozgeka!”

¹⁸⁶ Kumbukirani, ichi chizamuchitika yayi . . . Imwe mungayowoya yayi, “Enya, sono, ine ndiri mu *uwu*, wa Assemblies. Ine ndiri mu Foursquare, panji Mpingo wa Chiuta, panji wa Zina la Yesu,” panji—panji unyake uliwose wa iyo. Yayi! Imwe munganjira yayi mu uliwose wa iyo.

¹⁸⁷ Chiuta wakukuchema iwe ngati munthu pawekha. Ndipo ndi iwe uyo wakwenera kuti watozgeke, chifukwa, “Iyo wakutora ŵanthu kufuma pa Ŵamitundu, chifukwa cha Zina Lake, Mkwatibwi Wake, Wamitundu.”

¹⁸⁸ Estere wakajitzga iyomwene. Iyo wakatzga mtima wake. Ndicho iyo wakatzga. Icho ndicho mpingo ukukhumbika: kutozga mtima.

“Kasi iwe ukutozga uli mtima wako, M’bale Branham?”

¹⁸⁹ “Kuchapika na maji gha Mazgu,’ kwizira mu Ndopa za Yesu Khristu.”

¹⁹⁰ Baiblo likayowoya kuti ndi kwananga ku mwanakazi kuti wachitenge ntheura, na kuti ŵanarumi ŵawazomerezgenge iwo kuchita ichi. Icho ndi mose mwâwiri. Mwanarumi uyo wazomerezgenge mwanakazi wake kuti warute kuwaro mu msewu wali nkibili, wavwara malaya ngati ntheura, ine ndiri na ntchindi zichoko kwa iyo pakuŵa mwanarumi. Iyo ndi chidole. Uwo mbunenesko. Mwanakazi wakumugwiriska ntchito mwanarumi ngati chakuchapira mbale. Soni kwa imwe. Imwe mukwenera kuŵa ŵanarumi.

¹⁹¹ Ndipo mliska wazomerezgenge mpingo wake kuchitanga vinthu ngati ivyo, kwambura kufumiskapo uheni pa uwu kufumira pa gome. Iyo ndi mwanakazi. Icho ise tikukhumba ndi ŵanarumi, Ivangeli, ntha na magulovu gha mphira, kweni na nkhongono na chiwoneskero cha Mzimu Mutuŵa, na

Mazgu. Baibolo likuyowoya kuti vinthu ivi ndi kwananga. Ndi kwananga kuti wantru wachitenge nttheura, kuchita mwantheura. Uwu ukwenera kuti upharazgilke, na kuukhala umoyo, ndipo kulikose. Panji, mpingo ukukhumbika kutozgeka, kuchapika.

¹⁹² Estere wakatozga mtima wake panthazi pa Chiuta, wakayenda na mzimu wakufwasa na wakujikhizga; Mpingo ula uwēnge Mkwatibwi wa Khristu. Sono, kumbukirani, Estere wakakana kujitoweska kwa charu. Iyo wakaŵika Mzimu mu mtima wake, kuti warute panthazi pa fumu.

¹⁹³ Ndipo mwanakazi muhanyauno, mpingo uwo ukughanaghana kuti uwu unjirenge chifukwa uli na wantru wanandi, uwu uli na gulu la wakuvwara makora chomene, uwu uli na bungwe likuru chomene, tchalitchi likuru chomene mu msumba, na vinthu ngati ivyo, imwe muphonyenge ichi mamiliyon i kilomitazi usange imwe mukugomezga pa icho.

¹⁹⁴ Ndi uweme, wachisungusungu, mzimu wantchindi ku Mazgu gha Chiuta, "wakuchapika na maji gha Mazgu," ndipo Mazgu mwa imwe. Agha ghakuchapa. Amen. Mpingo ukukhumbika kuchapika, kuchapika na Ivangeli lathunthu. Uwo mbunenesko. Ntha kuchapika waka kulwandi, kweni kuchapika na Ivangeli lathunthu, kutozgeka, "kuzgoka vilengiwa viphya mwa Khristu Yesu."

¹⁹⁵ Mkwatibwi wa Yesu ndi mkwatibwi wakubinkha yayi. Iyo wangawa yayi na Wake wakubinkha, Mkwatibwi.

¹⁹⁶ Usange mwanakazi wafika pakuti wanjirenge mu nthengwa, ndipo iyo wakawoneka ngati kuti iyo wafumira mu chitupa cha nkhumba kuwaro kula; mwanarumi uyo wali na ntchindi zakwanerera za mwanarumi, wangamutora yayi iyo. Iyo mbwenu wamupangenge iyo kuti wajitozge iyomwene.

¹⁹⁷ Ndipo para mpingo wa Khristu wafika kuti unjirenge mu nthengwa, kughanaghananga kuti uwu ukuruta mu Mkwatibwi, na vyacharu vyose kubatikika pa uwu, Mkwatibwi wa Khristu ntha waŵenge ngati nttheura. Yayi, bwana.

Ine nkhuyenera kuti nifulumire.

¹⁹⁸ Nesi ndi Mpingo wa Khristu, wa Fumu Yesu Khristu, Mpingo ula ntha ndi Mpingo wavizwazwa, yayi, uli na vizwazwa yya mabungwe. Uwu ntha ukwenera kuwa membara wa bungwe linyake likuru. Uwu ukwenera kuti uchapike na Ndopa, kugurika na Ndopa. Ntha kuyowyanga kuti ise tiri mu mpingo ukuru chomene, bungwe likuru chomene, panji *ichi, icho, panji chinyake*. Uwu kwenera kuwa utuwa, wakutuwiskika, utuwa, wambura banga panji khwinya, wakuchapika na Ndopa za iyo—Muponoski wake, Yesu Khristu.

¹⁹⁹ Ngati Estere, Mwanarumi wakubisika mu mtima, Mwanarumi wakubisika, Mzimu wakufwasa na wakujikora

wa Chiuta, mu mtima wa munthu; ntha uchindami na gulu la charu.

²⁰⁰ Ine nyengo zose ndiri kuyowoya kuti charu chikunyezimira; Ivangeli likugolera. O, vikutalikirana mamiliyonu kilomitazi. Hollywood wakunyezimira; Mpingo wa Khristu ukugolera na chitemwa, na kufwasa, na uweme, chisungusungu. Uwo mbunenesko.

²⁰¹ Estere wakakhumba yayi kujitozga iyomwene na vyakuvvvara vyose vyasono nya charu. Yura ntha wangawoneka ngati muwoli wa fumu.

²⁰² Ndipo kasi ise, tikukhumba kuwa ngati charu, ndipo kasi yura wangawoneka ngati Muwoli wa Mwanarumi Mutuŵa? Ise, ngati Mpingo wa Chiuta wamoyo, tikujozga tâwene na vinthu nya charu, ndipo pamanyuma tiwoneke ngati Muwoli wa Mwanarumi Mutuŵa? Kasi yura wangawoneka wachilengedwe?

²⁰³ Usange imwe mukuwona mwanarumi muhanyauno, uyo wakwenera kuwa mwanarumi mutuŵa; apa wakwiza muwoli wake, ngati fumukazi, yimoza ya masitayelo ghakuru ghara ghakametero ka sisi ngati *ntheura*; ndipo vinthu viswesi kulwandi limoza, na vinthu nya girini kulwandi linyake, ndipo—ndipo wakuwoneka ngati kuti watimbika pa mlomo wake na burashi la kupentera; mitundu yose iyi ya vinthu ngati *ntheura*, kwendanga wakukhira na msewu, mu malaya ghachoko ghakufyenza ngati *ntheura*; ndipo vikandiro kutali kufika *umo*, kujigwenyuranga pakwenda, kwendanga mwakunyada pa msewu; ndipo mukuti, “Uyo ndi muwoli wa mwanarumi mutuŵa”? Ine nkuyowoya nthabwara yayi. Ine nkupanga waka fundo.

²⁰⁴ Ine nkhiza ku umoza wa maungano ghithu ghakuru gha Chipentekosite, kuno ntha kale chomene. Ine nkhajintha hema. Ndipo mliska wakayowoya kwa ine, wakati, “Muwoli wane ndi wakwimba piano.”

Ine nkhati, “Icho ntchiweme, m’bale.”

“Kasi iwe ungazomerezga kuti iyo wayimbe?”

Ine nkhati, “Yayi. Yayi, bwana. Ine nadi ningakana yayi.”

²⁰⁵ Ndipo iyo wakaruta kwa manejara. Manejara wakati, M’bale Baxter, wakati, “Icho chiri makora.”

²⁰⁶ Iyo wakati, “M’bale Branham, zanga kuno. Ine nkukhumba kuti umuwone muwoli wane.” Ndipo ine nkharuta kula.

²⁰⁷ Chonde mundigowokere ine. Mukuwona? Ine ntha nkuyezga, kutipanga ise—ndemanga. Ine nkuyezga kuyowoya fundo. Mukuwona?

²⁰⁸ Ndipo mwanakazi wakaŵa na vimoza nya vyakuphaka ivi kuno. Ine nkhumanya yayi. Vinthu vira, imwe mukumanya, walipanga lose ili, ndipo ine nkachiwonapo yayi chantheura

mu umoyo wane; ndipo diresi ilo likâwa lakukhira chomene kufika musi *uku*, lambura msana mu ili, ndipo likâwavye pitikoti mu ili. Ndipo ine—ine nkhaâwa nindaghawonepo mawonekero ghantheura mu umoyo wane. Ndipo iyo wakâwa na ndolora zikuru chomene kulenderanga ngati *ntheura*, ndipo wakajiphaka vinthu vinandi chomene.

²⁰⁹ Ndipo ine nkhalaâwiska zingirizge. Ine nkhaghanaghana, “O, ine!” Ine ndine wa Baptist, ndipo ine nkhumanya makora kuruska icho. Ine nkhalaâwiskakoso. Ine nkhati . . .

²¹⁰ Sono, chonde, iyi ndi nthabwara yayi. Kweni ine nkhayenera kuti ndiyowoye ichi kwa m’bale, ndipo ine nkugomezga ichi chikamovwira iyo. Ntha nkuyowoya ichi kuâwa wapadera; usange ine nkachita, ine nkhaâwa mupusikizgi, wonani, nkukhumbika kutozgeka, ndamwene.

Ine nkhati, “Bwana, kasi iwe wanguyowoya kuti muwoli wako wakâwa wakwimba piyano?”

Wakati, “O, enya.”

²¹¹ Ine nkhati, “Iyo wakuwoneka ngati muzguka, kwa ine.” Ine nkhati, “Ine—ine ndiri kughawonapo yayi mawonekero ghantheura mu umoyo wane, ngati muwoli wa mupharazgi. Uyo ntha wakuwoneka ngati muwoli wa mwanarumi mutuâwa.”

²¹² Ndipo nesi ukuchita mpingo wa Chiuta wamoyo, kugomezganga pa mafashoni ghake, maphwando ghake gha tiyi, na maphwando gha bunco, na maseŵero gha makadi, na madansi, na vyasangurusko, kujitoweskanga iwowene ngati ntheura, na charu, kuwoneka ngati Mkwatibwi wa Chiuta Mutuâwa. Para uwu ukukhwewâ ndudu, na madansi, na maphwando, na maphwando gha musuzi, na kumwanga mówa, na vyose ngati ntheura, na kuyowoya kuti iwo ndi Mkwatibwi wa Khristu? Ntha ukuwoneka ngati Muwoli wa Mwanarumi Mutuâwa, kwa ine. Yayi, bwana. Iyo wangasankha yayi chinthu chantheura. Iyo mbwenu watorenge mwanakazi uyo wakaâwa muweme, wakuwoneka ngati ndi icho Iyo wakayezgangga kuwoneska. Ine nkugomezga uwo mbunenesko. Ichô panyake chingapweteka pachoko.

²¹³ Amama âwane âwala kuruta. Para ine nkhaâwa mnyamata muchoko, ise tikatemwanga kuâwa . . . Tikaâwavye chakuti tirye, yayi, ndipo ise tikaâwa na zgama na chikondamoyo. Ine nkhumanya yayi kwali imwe mukumanya icho ivi viri panji yayi. Ntheura ise tikaâwavye . . . Iwo âwakaâwavye mafuta chirimika chose, ndipo pafupifupi tikachitanga kutora mumphika wakake ukuru wangati *ntheura*, na kuâwika vikumba vya nyama mu uwu. Ise tikarutanga uko iwo âwakacheka, panji uko âwakukoma nyama âwakadumura nyama na kutipako ise. Ndipo tikayibwatuskanga iyi, kuti tisangeko mafuta, na kuthira agha pa ichi.

²¹⁴ Pa Chisulo chirichose usiku, amama ḫwakati ise tikakhumbikanga kuti timwenge mafuta gha castor. Ndipo ine—ine nkhutondeka kuzizipizga vinthu vira mpaka sono. Ndipo ine nkhayenera kuti ndimwe ivi. Ine mbwenu nkhizangwa iwo, kukora mphuno yane ngati *ntheura*. Ine mbwenu nkhuti, “Amama, ine—ine nimwenge yayi ivi.” Ine nkhati, “Agha ghakundiseruska chomene ine.”

Iwo ḫwakati, “Usange agha ghakukuseruska yayi iwe, agha ghakuchitirenge chiweme chirichose yayi iwe.”

²¹⁵ Ntheura ine nkhughanaghana kuti umo ndimo kuliri na kupharazganga Ivangeli. Usange ine ntha nkhumuvundurani pachoko imwe, kutora ghinu...kuvundura matumbo ghinu ghauzimu, kumupangani imwe kuseruka pachoko, kuti mujisande mwawene na Baibolo: muwone usange ukali wakale ula, na uzukusi, ḫambura uchiuta, ḫakutemwa charu, television, na vinthu na usiku; na kurekanga tchalitchi kukhala lambura ḫanthu, na mipando yambura ḫanthu. Penepapo, imwe mukwenera kuwa kuwaro kula ngati Yesu, imwe muli na Mzimu Wake mwa imwe, kuyezganga kuti mutore waliyose mu charu kuti wafike ku tchalitchi kwinu, kuti wapokere Khristu. Ndipo ise pamanyuma tikujichema taŵene Mkhatibwi wa Khristu? O, chasoni uli, mubwezi!

²¹⁶ Nyengo yamara. “Mkwatibwi Wake wajinozgekereska Iyomwene.” O! “Wajinozgekereska Iyomwene.” Iyo wakasezgera kumphepete vinthu vyose ivi. Kumbukirani, Estere wakasankhika, ndipo ḫanyake ḫakakanika. Ndipo ḫekha pera awo mbakubabikaso, awo ḫali na Mzimu wa Chiuta, ndiwo ḫazamkusankhika Dazi lira, kuti mphumphu ya uchindami yizamukhalikika pa mutu Wake. Ndipo ḫanyake ḫazamukanika.

²¹⁷ Rekani ine ndimuphalireni chinyake chichoko icho chikachitika. Ine—ine, ine ndine wamishonare, umo imwe mukumanyira, ntchito ya uneni, ntchito ya ḫamishonare, pafupifupi kankhonde na kawiri kusirya kwa nyanja, charu zingirizge. Kuno, ntha kale chomene, mu msomba wa Rome, Rome ndi msomba ukuru wa maluso. Ndipo iwo ḫakawa na sukulu ya vya maluso kula, ndipo ḫabale ḫithu ḫanandi ḫanichi ḫa ku America ḫakuruta kwenekula chirimika chirichose, kuti ḫakasambre maluso pa virimika viwiri, kuti ḫakasambre kujambura vithuzithuzi. Kukawa gulu la ḫina America ḫanichi ḫakiza kudera uku, virimika vichoko vyajumpha, umo nkhani yikaphalirikira kwa ine. Ndipo para iwo ḫakati ḫafika kula, iwo ḫakahangayika chomene. Para iwo ḫali mu Rome, iwo ḫakuchita umo ḫa ku Rome ḫakuchitira: ḫakuruta kuwaro na kumwa, na kujivura iwoŵene, na chinyake chirichose, na kuchitanga viheni, wose ḫanyamata na ḫasungwana.

²¹⁸ Ndipo kukaŵa sukulu yinyake. Ndipo mu sukulu iyi, ili-gulu ili la wîna America wachinyamata ndiko likiza. Ndipo waliyose wa iwo, pafupifupi, wakachita chinthu chenechira. Kweni msungwana munyake muchoko, iyo wakazomerezga yayi ichi, munthowa yiriyose. Iyo wakakhala mkati. Mu nyengo yausiku, iyo wakaŵazga penepapo wose wâkaruta kukamwa. Nyengo yamuhanja, iyo wakagwira ntchito, wakasambira. Enya, iyo wakaŵa munthu wakusekeka pa sukulu yose. Ndipo iyo wakajisunga iyomwene ngati dona, wakajisunga iyomwene ngati dona. Nangauli kukaŵa wanyamata wâničhi wâ Chiroma na chirichose zingirizge, kuyezganga kumuyowoyeska iyo kuti warute kuwaro, iyo wakakana ichi. Yayi, bwana. Iyo wakakhala nkhanira na visambizgo vyake, kusambiranga kujambura, na kupenta, mphanyiko. Ndipo iyo wakakhala na ichi.

²¹⁹ Paumaliro, mlonda mulara pa malo wakarutirira kumulaŵiskanga iyo, kuwona kuti iyo wakaŵa wakulekana chomene, nangauli iyo wakaŵa wa Roma Katolika, wakarutirira kumulaŵiskanga iyo, umo iyo wakajisungira iyomwene. Mise ghamoza, msungwana mwanichi, ku malo ghakuchezgera uko-kukaŵa studio, chifukwa, panji malo uko iwo wakaŵa na sukulu, iyo wakasezgekapo pa malo, ndipo wakaruta pachanya pa phiri, ndipo zuŵa likatchonanga. Ndipo iyo wakayimirira pachanya apo, na chake chakutowa, chisko chake, ndipo sisi lake kulenderanga musi, kulaŵiskanga kudera *kula kurazga* ku kutchona kwa zuŵa.

²²⁰ Mlonda mulara wakasarazganga kusika kula mu luŵaza. Iyo wakarutirira kumulaŵiskanga msungwana, apo iyo wakasarazganga. Chinyake chikarutirira waka kumuphaliranga iyo, "Ruta, ukamuyowyiske iyo." Ntheura iyo wakaŵika pasi chakusarazgira chake, wakavura chipewa chake chakale cha khonde, wakaruta kwenekuko dona mwanichi wakaŵa. Wakangwerura chigolomiro chake. Msungwana wakang'anamuka. Mlonda wakati, "Undigowokere ine, msungwana."

Iyo wakati, "Enya, bwana. Nadi."

²²¹ Ndipo iyo wakawona kuti msungwana wakakhala wakulira. Wanyake wose wakaŵa kuti wâruta kuwaro wakaŵa na nyengo yikuru yakumwa usiku. Mlonda wakati, "Madam, ine nkugomezga kuti iwe undipulikiskenge ine mu nthowa yakwenerera, kuti ine ndikuyowyiskenge waka iwe." Wakati, "Iwe uli kuŵa kuno, pafupifupi virimika viŵiri sono. Ndipo ine nkhaliwona gulu ilo iwe ukiza nalo, rutaruta iwo wâli kuwaro ku maphwando, ndipo wâkwizanga usiku nyengo zose, wâlowera, ndipo malaya hafu pa iwo, na chirichose. Kweni ine nawona kuti iwe ukurutako yayi ku maphwando ghantheura." Ndipo wakati, "Ine—ine nkhuwona kuti, mukawonekero, kuti iwe nyengo zose ukulaŵiska kusirya kwa nyanja. Kumise, iwe ukwiza uku, ndipo ukuyimilira apa kumise ghalighose, ndipo

ukuwona zuŵa likutchona.” Ndipo wakati, “Kasi, ntchivichi chikukupangiska icho?” Wakati, “Ine ndine munthu mulara. Ndipo ine—ine nakhumbisika kuti nimanye icho chikupangiska mphambano iyi pakatikati pa iwe na ūnyake.”

²²² Msungwana wakati, “Enya, bwana.” Iyo wakati, “Bwana, ine nkhuławiska kwithu para zuŵa likutchona.” Iyo wakati, “Kusirya, kuseri kwa zuŵa lira kuli charu chakwithu.” Ndipo iyo wakati, “Mu charu chira muli chigawā chinyake. Ndipo mu chigawā chinyake chira muli msumba unyake. Ndipo mu msumba unyake ula muli nyumba yinyake. Ndipo mu nyumba yira muli mnyamata munyake.” Wakati, “Iyo, nayoso, ndi wakujambula. Para ine nkhati ndafumako, kwiza kuno, ine nkhapangana kuti nimutemwenge iyo. Ise tiri kufikirana yumoza na munyake.”

²²³ Ndipo iyo wakati, “Palije kanthu kwali ūnyake wose ūakuchita vichi, icho chirije chakuchita na ine.” Iyo wakati, “Ine nkhapangana kukhala muneneska na wakwenerera.” Ndipo iyo wakati, “Ine nkhlindizga dazi kuti para ine nkhułipulika ndamwene ndiri pachanya pa mapapindo gha ndege yikuru yira iyo yizamkunditorera ine kusirya kwa nyanja na kukandipereka pasi pa chiwanja cha ndege uko iyo wamkukumana nane. Iyo wakuzenga nyumba, ndipo ise tamukhala pamoza mu charu chira.”

²²⁴ Ndipo wakati, “Ndicho chifukwa ine nkuchita umo ine nkuchitira. Ine ndiri muneneska ku phangano ilo ine nkhapangana na mnyamata. Ndipo iyo ndi muneneska ku phangano ilo iyo wakapangana nane.” Wakati, “Ine nkupulika kufuma kwa iyo, pafupi na pafupi, ndipo ine nkhumulembra iyo, ndipo,” wakati, “tikulemberana yumoza na munyake. Ise tichali kusungilira vilapo vithu, kulindizganga dazi ilo ise tizamkukumana.”

²²⁵ O, umo icho chingachitira kwa Mukhristu mweneko, kuti wafumeko ku vinthu nya charu. Ndipo dazi linyake, imwe mukuyowoya za kwizanga pa siteji ya sitima, pa mapapindo gha Nkhunda! Iyo wakwizira Mkwatibwi, yumoza mweneuyo ntha wakusewera na charu panji vinthu nya charu. Iyo wachapika mu Ndopa za Mwanamberere. Iyo wapangana Chake—chitemwa Chake kwa Iyo pera. Chitemwa cha charu chiru kuruta ndipo ntchakufwa kwa Iyo. “Ukwati wa Mwanamberere wafika, ndipo Mkwatibwi Wake wajinozgekereska Iyomwene.”

Tiyeni tighanaghane za ichi apo ise tikusindamiska mitu yithu kanyengo waka.

²²⁶ Dazi linyake, apo ine nkhuławiska kurazga ku kutchona kwa zuŵa, Ine naneso, virimika sate-wanu vyajumpha, nkhapanga phangano kwa Yumoza uyo ine nkhamutemwa, chitemwa chane chose kwa Iyo. Ine nyengo zose ndiri kuyezga kungangamika kwa Iyo na Mazgu Ghake, kulikose ine nkhumanya

muli wanyake wanandi wakhala muno, wali ngati ntheura, kulindizzanga dazi kuti para sitima yakale ya Zion yizamkunjira mu siteji ya sitima, kutora mauzima ghithu na kuruta nase mu Kuwapo kwa Iyo Uyo ise tikumutemwa ndipo wali kupangana kutitemwa ise.

²²⁷ Panji wangawamo wanji muno usiku uwu, awo wachali wandapange phangano ilo. Panji wangawamo wanji awo wakapanga ndipo wakaswa ili. Usange iwe uli mu kaŵiro ako usiku uwu, mubwezi, uli iwe uwerekko waka usiku uwu na kupangaso phangano lako? Usange iwe undachite, chita ichi. Uli iwe ufile na kupanga ichi usiku uwu? Yowoya, “Fumu Yesu, ine nkhumutemwani Imwe.”

²²⁸ Kumbukira, usange iwe uli kupanga kale kupangana kwako, ndipo uchali kwendezgana na vinthu vya charu, Yesu ntha wazamkuwa na mkwatibwi ngati uyo. Iyo ntha waŵenge na yumoza uyo ndi muzaghali. Chitemwa chako chose chikwenera kuwa kwa Iyo. Ndipo usange iwe ukutemwa vinthu vya charu, na mafashoni gha charu ichi, chomene kuruska umo iwe ukumutemwera Chiuta, ipo iwe undajipange wamwene wakunozgeka.

²²⁹ Kasi munthu yura wali muno usiku uwu, apo ise tiri na mitu yithu yakusindama, ungamanya kukwezga muchanya woko lako, kuti, “M’bale Branham, undirombere ine. Ine nkukhumba kuwa mwantheura umo. Ine—ine nkukhumba kuwa gawo la Mkwatibwi. Ndipo ine nkhumanya kuti nkuchita vinthu ivyo ine ntha nkuyenera kuchita. Mundirombere ine”? Chiuta wakutumbike iwe, mlongosi wane wa Chimwenye. Chiuta wakutumbike iwe, mlongosi. Na iwe, m’bale wane. Na iwe, m’bale. Walipo munyakeso? Kwezga muchanya woko lako, yowoya, “Mundirombere ine, M’bale Branham. Ine—ine—ine nkhumanya kuti ndiri makora yayi.”

²³⁰ Sono uwê muneneska wamwene. Lawiska kumanyuma kwa umoyo wako. Iwe ukwenera kuti ulaŵiske kumanyuma pambere undarute kunthazi. Lawiska icho iwe ukaŵa. Lawiska icho mzimu uwo iwe uli nawo uwo wakupangiska iwe kuchita. Usange iwe undachite...Usange iwe ukuyowoya kuti ndiwe Mukhristu, ndipo kweni uchali kwendezgana na vinthu vya charu, m’bale, mlongosi, kasi iwe uchitenge uli kweni kuwa wachiburumutira usange iwe ukuwona yayi kuti iwe wananga?

²³¹ Munyake wakayowoya dazi linyake, wakati, “M’bale Branham, iwe ukwenera kuti uwaleke wantru ngati ntheura.” Wakati, “Wantru wakukuchema iwe muprofeti.”

Ine nkhati, “Ine ndine muprofeti yayi.”

²³² Wakati, “Kweni wantru wakughanaghana kuti iwe ndiwe. Iwe ukwenera kuti uwâsambizgenge wanakazi aŵa. M’malo mwakuwaphalira iwo kuti âwasungenge sisi litali na mtundu

wakwenerera wa malaya na vinthu ngati ivyo, iwe ukwenera kuti uŵaphalirenge iwo umo âwangasangira vinthu vyauzimu.”

²³³ Ine nkhati, “Kasi ine ningawâwasambizga uli iwo algebra, penepapo iwo ntha âwapulikiskenge nanga ndi ma ABC, vya âwana? Waliye nanga ndi ukhaliro wakujighanaghanira kuti âwajitozge iwoŵene, kujichemanga, ‘Mkwatibwi wa Khristu’!” Ine ntha nkuyowoya icho mwakukwiya. Ine nkuyowoya icho mu chitemwa chauchiuta.

²³⁴ Umo ine nanguyowoyerera mlenji uwu, usange ine nkhumuwonani imwe mukuruta na mronga mu boti, ndipo nkhuwona kuti imwe mwamkufika ku vipopoma, boti lira lamukhora yayi, ine kuchemerezganga kwa imwe na kukokomoka kwa imwe, ine ntha nkhuyezga kumupwetekani imwe. Ine nkhumutemwani imwe. Chifukwa, usange imwe mukuchita yayi, umoyo winu utayikenge.

²³⁵ Kasi walipo yumoza munyake, âwakwezge mawoko ghawo pambere ise tindarombe? Ine namuwonani imwe, kumanyuma uko. Chiuta wakutumbike iwe, na iwe, iwe. Iwe ukumanya umoyo wako ukukuwoneska kuti iwe wananga. Iwe ukutemwa chomene charu kuruska Chiuta, ipo pali chinyake chakwanangika pamalo ghanyake. Jilawiske wamwene. Uko mu vipinda kuwaro uko, kwezga muchanya woko lako, yowoya, “Mundirobère ine, M’bale Branham.” Chiuta wakutumbike iwe. Chiuta...Uwo mbunenesko. Mu unenesko wose, ine—ine nkhirumba kugomezgeka.

²³⁶ Ilo ndilo suzgo na mpingo wa Pentekosite muhanyauno. Ise tirije kugomezgeka kweneko kula uko ise kale tikaŵa nako. Ise tilije chikanga kuti—kuti tifike na kuyowoya icho, kuzomerezga kuti ise tananga. Devulu waukora waka chomene mpingo mpaka uwu ukuvivila waka mu mathope gha charu. Kuchita ntheura yayi.

²³⁷ Umoyo wako wamwene ukusimikizgira kuti iwe ulije icho iwe ukuyowoya kuti uli nacho. Ipo ukulekerachi kuvumbura ichi? “Iyo mweneuyo wavumburenge kwananga kwake wagowokerekenge: iyo mweneuyo wakubisa kwananga kwake watukukenge yayi.” Iwe ungabisa yayi ichi. Chiuta wakumanya vyose vya ichi. Ndipo usange iwe ukuwona na kumanya kuti iwe ukukhala umoyo wakwenerera yayi, ipo urekerengetchi iwe kuvumbura ichi, na kwiza pakweru na kuzomerezga kuti ichi chimare?

²³⁸ “Zakwananga za âwanthu âwanyake zikwenda panthazi pawo; âwanji zikuâwarondezga.” Rekani zane zirute panthazi. Ndizomerezgeni ine ndiyowoye vyose vya ine sono nthena. Zomerezgani Chiuta wanozge izi. Icho ndicho ise tikwenera kuchita.

²³⁹ Pali pafupifupi mawoko sikisi panji eyiti ghakwera muchanya. Nadi muli âwanandi kuruska awo mu mpingo

uchoko uwu, usiku uwu, wānthu handiredi panji thu- muno, panji handiredi na fifite. Chiuta wakutumbike iwe, mnyamata mwanichi. Sono, Chiuta wakutumbike iwe, dona. Chiuta wakutumbike iwe, mlongosi. Uwo mbunenesko. Chiuta wakutumbike iwe, mnyamata. Icho ntchiweme.

²⁴⁰ [Pa tepi palije kalikose—Munozgi]...wānakazi wēneko wākadumuranga yayi sisi lawo, kweni iwo wākuchita ichi muhanyauno. Kasi kukachitikachi? Iwo kale nthā wākachitanga...wākaphakanga—wākaphakanga vyakujiphoda. Amama wīnu wākachita yayi, usange iwo wākawā wā pentekosite. Kasi kwachitikachi muhanyauno? Chifukwa iwo wākuvivila mu vinthu nya charu. Ndipo charu chikulawiska kwa ise. Ise tikuyowoya kuti ndise Mpingo utuŵa. Kasi suzgo ndi vichi? Ise nthā tikuwoneka ngati Mkwatibwi wa Khristu. Za mwaŵanarumi imwe kuwaro kula, chinthu chenechira. M'bale, soni kwa iwe.

²⁴¹ Wadada Wākuchanya, para ine nkuluawiska uko, na kumuchemerani ku guwa munthowa ngati kuti, kumuchenyani, kumususkani, chikuwoneka ngati ndi nkkaza. Kweni m̄kati mwa ine mukusuluranga ndopa, para ine nkhumanya kuti ise tikusenderera ku umaliro. Maboti ghachokoghachoko agha ghaswekenge, limoza la mazuŵa agha. Nyifwa yiŵatimbenge, na kuphupha. Ndipo kasi ndi kalinga ine ndiri kuchemeka kuruta kufupi na iwo, na kuŵapulika iwo wākuti, “O, M'bale Branham, usange ine ningakhalaso wamoyo.” Ntheura, apo iwo wāli na nkhangono, Fumu, kuti wānozge ichi!

²⁴² Ine nkuyezeska chomene. Chiuta, nkhuromba Mzimu Mutuŵa wavumbure ichi ku wānthu, kuti ine nkuyezga kuŵavwira waka iwo, nthā kuŵakalipira iwo. Kweni, umo Paulos wakayowoyerā, wakale! Chiuta, ine nkukhumbā yayi kuti iwo wāpwetekēke, kweni ine nkukhumbā kuti ndi wāpweteke mwakukwanira iwo kuti iwo wāwone apo iwo wānangiska.

²⁴³ Ine nkhuromba kuti Imwe muperekenge, usiku uwu, ku wānthu aŵa, awo wākvezga mawoko ghawo, wāli na—nanga ndi ntchindi zikuru kuti—kuti wāmanya, panthazi pa Chiuta, kuti iwo mbakwananga, ndipo iwo wākukhumbā kuti wāchite makora. “Penjani, ndipo imwe musangenge. Khung'uskani, ichi chijurikenge.” Kweni usange imwe mukukhung'uska yayi, kasi Iyo wajurenge uli? Imwe mukupenja yayi, kasi imwe musangenge uli?

²⁴⁴ Zomerezgani Mzimu Mutuŵa, Fumu, uŵatorere wānthu aŵa ku kujiperekā kwathunthu kwa Chiuta, usiku uwu. Nkhuromba Dada mukuru wa Fumu yithu Yesu Khristu waŵatuŵiske iwo, uzima, thupi, na mzimu, ndipo muŵaŵike iwo mu Thupi la Fumu Yesu Khristu. “Pakuti ukwati wa Mwanamberere uli pafupi, ndipo Mkwatibwi Wake wajinozgekereska Iyomwene.”

O Fumu, nkhuromba uwu uŵe usiku wa kunozgekera, pakuti namachero panji lingâwa dazi ilo ise panyake tikumanenge na Iyo. Ise tikumanya yayi ora ilo ise tizamuchekera kukakumana na Iyo. Perekani ichi, Fumu.

²⁴⁵ Sono apo ine nkhuromba, ndipo imwe mwasindamiska mitu yinu pasi. Waliyose wa imwe uyo wakwezga woko lake, usange iwe wasimikizga chomene na icho, ndipo iwe nadi ukung'anamura ichi, ndipo iwe ukuchita soni yayi kuti wânthu wâmanye kuti iwe wananga! Iwe ukwenera kuti ukayime nawo kula pa Cheruzgo, munthowa yiriyose. Ndipo Chiuta waŵika kuhuzika kwakukwanira pa iwe, kuti iwe wamanya kuti wananga.

²⁴⁶ Kuno nyengo yinyake kale, ine nkhapharazganga chinyake ngati icho. Ine nkhayowoya kwa dona mwanichi wakayimirira kumanyuma kula. Iyo wakawoneka wakofya, mwana mwanakazi wa mupharazgi. Ndipo iyo wakakumana nane kuwaro kwa tchalitchi, ndipo usange iyo nthâ wakandisambwazga yayi ine! Iyo wakati, "Iwe kanthu kaburutu." Muchoko, wachikanga, milomo yakupenta; wavwara kabunthu, wadumura sisi. Iyo wakati, "Usange ine nikhumbenge munyake kuti waniyowoyiske ine za icho, ine nitorenge munyake uyo waliko na mahara." Wakati, "Ntha ungzanga ku gome la adada wâne na kupharazga chinthu ngati icho kamozaso."

²⁴⁷ Ine nkhati, "Iwe ukung'anamura kundiphalira ine kuti, dada wako, mupharazgi muweme wakugomezgeka wa Baptist umo iyo waliri, ndipo wangapharazga yayi kususka icho?"

Iyo wakati, "Iyo wakakulemba ganyu yayi iwe kuti wize kuno..."

Nkhati, "Iyo wakandilemba ganyu yayi ine, munthowa yiriyose. Ine nkhiza mwakuchita kuchemeka."

Iyo wakati, "Ine nikugowokerenge yayi iwe pa ichi."

²⁴⁸ Ine nkhati, "Icho chiri kwa iwe. Ine nangurondezga waka Ivangeli." Maluŵa ghaswesi ghakaputanga kula mu mphepo yichoko. Mwanakazi mwanichi wakutowa.

²⁴⁹ Kanyengo kachoko jumphepo, pakati pajumpha pafupifupi chirimika, ine nkhajumpha mu msomba. Ine nkhawona dona mweneyura wali na masiketi ghake ghakulendera musi, wakukhweŵa ndudu, wakukhira na msewu. Ine nkhaghanaghana, "Yura ndi muwoli wa M'bale Wakuti-na-wakuti, panji, mwana mwanakazi." Ine nkhayambuka msewu, kuwona kuti usange ine ningamufika yayi iyo.

²⁵⁰ Iyo wakalaŵiska kwa ine, wakukhweŵa ndudu iyi, wakafumiskira ili kwizira mu mphuno yake. Iyo wakati, "Monire, mupharazgi," matauzgo ghambura uchiuta ku agha, ngati nttheura.

Ine nkhati, "Yewo, yewo!"

Wakati, "Khweŵapo ndudu yane. Uŵe mwanarumi."

Nkhatti, "Kasi ukuchita soni yayi wamwene?"

²⁵¹ Iyo wakanjizga woko mu chikwama chake, wakati, "Ipo tora ndudu iyi."

²⁵² Ine nkhati, "Soni kwa iwe. Soni kwa iwe, kuti ukupereka ndudu kwa muteŵeti wa Chiuta."

Iyo wakati, "Ipo panyake iwe umwepo botolo lane."

Ine nkhati, "Chonde reka kuyowoya ichi."

²⁵³ Ine nkhamulaŵiska iyo. Ine nkhatondeka kujikora kulira, chifukwa dada wake ndi mwanarumi muweme. Ine nkhamulaŵiska iyo. Ine nkaghaghanaghana, "O, mwe! Iyo wakaghanaghana kuti iyo wakaŵa na nyengo yinandi."

²⁵⁴ Ine nkhayamba kwenda kuruta. Ine nkhatondeka kukanziga masozi kufuma mu maso ghane. Ine nkharutirira kwenda. Iyo wakati, "Lindizga miniti pera."

Ine nkhati, "Enya, mama?"

²⁵⁵ Iyo wakanirondezga. Ichi pafupifupi chikaŵa chasoni kuyowoyanga kwa iyo pa msewu, wantru kujumphanga kufupi. Iyo wakanirondezga. Iyo wakati, "Iwe ukumanya icho ukandiphalira usiku ula?"

Ine nkhati, "Ine nyengo zose nkukumbuka."

²⁵⁶ Wakati, "Ine nkhukhumba kuti ndikuphalire, mupharazgi, iwe ukaneneskanga." Iyo wakati, "Ine nkhakwenyerezga Mzimu Mutuŵa kwa nyengo yaumaliro." Sono, apa pali ndemanga iyo mwanakazi wakayowoya kwa ine, ndipo ine nkhuruwa yayi iyi, malinga ine ndiri wamoyo. Iyo wakati, "Chiuta wakachitanga na ine usiku ula. Kweni," wakati, "para ine nkhati namukana Iyo nyengo yira, iyi yikaŵa yane yaumaliro." Wakati, "Mtima wane uli kuŵa unonono chomene; ine ntha nkupwerera vya Chiuta, mpingo, panji chinyake chirichose. Ine nkutuka adada wanre, dazi lirilose." Ndipo iyo wakati, "Ine nkhumanya kuwona uzima wa amama wane ukuphya mu gehena, ngati ndazi, ndipo nkhaseka ichi." Kula kukaŵa kukwenyerezganga Mzimu Mutuŵa kwa nyengo yaumaliro. Ghanaghanani za ichi.

²⁵⁷ Tiyenri tirute Kukwithu pa mapapindo gha Nkhunda. Tiyenri tiŵe Mkwatibwi. Yimirani kufuma pa mpando winu sono, usange imwe mwananga. Zanga kuno. Yimirira apa pa guwa ndipo yowoya, "Ine nakhala nkhunangiska. M'bale Branham, ine ndiri na ukali. Panji, ine—ine—ine ndiri kukhala umoyo wambura uchiuta. Ine—ine ntha nkuyenera kuchita vinthu ivi ivyo ine nkhuchita. M'bale Branham, ine ndiri kuchita ichi, icho, panji chinyake. Ine ndiri wakususkika za kuyowoyanga utesi. Ine ndiri wakususkika za kwibanga. Ine ndiri wakususkika za chinyake. Ine ntha ndiri kumutumikira Chiuta umo ine nkuyenera kuchitira, ndipo ine nkhuchita soni

ndamwene, ndipo ine nkhukhumba kuti umoyo wane unozgeka. Undiromberenge yayi ine usiku uwu, M'bale Branham?" Ine ndiŵengen wakukondwa kuchita ichi.

²⁵⁸ Usange Chiuta wazgorenge malurombo ghane, kuti wanipulike chifukwa cha ūarwari, ūachiburumutira, na ūakukomwa, Iyo nadi wapulikenge lurombo kurombera wakwananga. Kasi imwe mufikenge yayi na kuŵa gawo la Mkwatibwi usiku uwu? Ine nkhumuchemani kuti mwize.

²⁵⁹ Yewo, m'bale wane. Ine nkhurumba chikanga cha mtundu uwo, uyo wayendenge na kuzomerezga kuti wananga. Chiuta wakutumbike iwe, m'bale. Yimirira nkhanira *apa*.

²⁶⁰ Iwe ukung'anamura kundiphalira ine, iwe ungamanya kukwezga woko lako muchanya ndipo ntha kuŵa wakusimikizga za ichi? Kasi chachitika ntchichi ku ūanthu? M'bale, kasi suzgo ndi vichi? Kasi suzgo ndi vichi na ūanthu ūithu mu nyengo iyi? Iwe ukung'anamura kuti iwe ungakwezga muchanya woko lako, kuti iwe wananga, ndipo pamanyuma ufikenge yayi? Ndipo ukumanya, "Iyo mweneuyo wakumanya kuchita chiweme, ndipo wakuchita yayi ichi, kwa iyo uku ndi kwananga." Kasi iwe ufikenge yayi?

Apo wakwimba piyano, usange iwe ungachita, mlongosi, mwimbi piyano, sumu yichoko waka.

²⁶¹ Ine nkhumuchemani imwe. Ine nkhukhumba kuti ndimufumbeni imwe. Kasi mbalinga mu gulu ili ūali kuŵamo mu maungano para... Imwe mukumanya kuti ine ndine mupharazgi yayi. Ine ndirije masambiro.

²⁶² Chiuta wakutumbike iwe, dona muchoko. Icho chikutorera msungwana mweneko kuchita icho. Kwayara yichoko iyi yikwiza uku, wakutumbike iwe, mlongosi wane. Icho ndi chikanga cheneko. Ine—ine nkhumurumba dona muchoko yura. Chiuta wakutumbike iwe, wakutemweka. Ine ndiri na msungwana muchoko kunyumba, pafupifupi wa msinkhu wako, Rebekah muchoko. Ine nakuwonga iwe. Msungwana muchoko wa Chimwenye? Chiuta wakutumbike iwe, wakutemweka, fumukazi muchoko uyu. Chiuta waŵe nawe, wakutemweka. Iwe, mlongosi muchoko, Chiuta waŵe nawe. Ndipo waŵe nawe, mlongosi.

²⁶³ Sono, laŵiskani kuno. Usange madona ghanichi ngati agho, ūasungwana ūachokowachoko, ūatechitechi mu njuŵi; ndipo napharazga uthenga uwo waŵacheka iwo mu vипитика, ndipo apa iwo ūakwiza apa, kumanyanga kuti iwo mbakwananga, ūayimilira apa panthazi pa gulu kuti ūavumbure pakweru. Nadi, nadi imwe ūazimayi mwaŵalara, mwizenge yayi? Zaninge kuno, ndipo yimirani kudera uku.

Kasi ine ndipenje chisko Chinu;
Chizgani wane wakupwetekka, mzimu
wakusweka.

Tiyeni tiyimbe iyi.

Ndiponoskeni ine mwa uchizi Winu.

Muponasiki, Muponasiki,
Pulikani . . .

²⁶⁴ Nadi imwe mwasimikizga mwakukwanira kuti murombe lurombo lakujikhizga, “Ndichemani, Fumu, ndiyezgeni ine, ndipo muwone usange chiripo chinyake chakwanangika na ine.”

Kundijumphirira yayi ine.

Chiuta wakutumbike iwe, mlongosi wakutemweka.

²⁶⁵ Kasi mbalinga mu ungano uwu ḫayimirira ndipo ḫawona, mu gulu, ḫazimayi, ḫanarumi, na wose, ḫakwiza para ine nanguyimilira kuromberanga ḫarwari, ndipo Mzimu Mutuŵa wakuŵaphalira iwo vinthu vira, nya zakwananga zawo na vinthu, ndipo ḫakumanya? Kasi mbalinga ḫa imwe mukumanya uwo mbunenesko? Ukutondeka yayi. Mzimu Mutuŵa wakundiphalira ine, Mzimu Mutuŵa mweneýura, kuti muli chinyake mkati muno usiku uwu chikumukwenyerezga Iyo. Sono, icho ndi NTHEURA WAKUTI YEHOVA. Sono, mukumanenge nacho ichi apa, panji Kula.

²⁶⁶ Ine ntha ndine munthu wakuchita mwakujirika. Yayi, bwana. Ine nkhumanya ndendende apo ine ndayimirira, ndipo ine—ine nkhumumanya Chiuta. Uwo mbunenesko. Pali ḫanandi ḫa imwe mukukhumbika kuti muyimirire nkhanira kuno uko ḫwasungwana ḫanichi aŵa ḫali. Sono, mwizenge yayi imwe? Ine nkhumuchemani imwe. Ine ndimukoserezgeningé yayi. Ine nkhumuphalirani waka.

²⁶⁷ Munyake wakati, “Ine nkhapulikapo yayi kuchemekera ku guwa uko mupharazgi wakachensa gulu, mu vinthu ngati ivyo.”

²⁶⁸ Umo ndimo ichi chikwenera kuti chichitikirenge. Iwe ntha ukwiza pa kupulika nkhaní yinyake yakuswa mtima, mama munyake kufwanga panji chinthu chinyake. Icho, icho chikwizira mu kujirika. Mazgu gha Chiuta ndigho imwe mukwizira. Imwe ntha mukwizira munthowa ya kujirika kunyake. Imwe mukwiza kugomezganga kuti Chiuta ndi Chiuta, ndipo imwe muli mu nyumba ya cheruzgo ya Fumu. Ndipo imwe mukwiza, kuŵeyereranga mlandu winu.

²⁶⁹ Chiuta wakutumbike iwe, m’bale wane, mlongosi wane. Nkhukhumba kuti ndikoreko chasa chako, kuyowoya kuti ine nkhuwonga kukhuzika kwako kweneko. Dona muchoko, ine nakuwonga iwe. Chiuta wakutumbike iwe. Nkuromba Iyo wakupe Mzimu wachikanga ula. Wakutumbike iwe, m’bale wane. Chiuta wâwe nawe.

²⁷⁰ Kamozaso, pamanyuma ise tijarengé. Uwu panyake tijarengé kwa nyengo yaumaliro, nawoso. Mukuwona? Ine nkhumanya yayi kasi mphauli. Ine nkugomezga ichi chikuchitika yayi. Kweni ichi chingachitika. Mukuwona?

Muponoski . . .

²⁷¹ Zanga kuno, mlongosi wane. Ine nkukhumba kuti ndikoreko chasa chako, yewo. Ine nkhuwonga chipulikano icho. Icho ndi chipulikano cheneko.

²⁷² Zanga kuno, m'bale wane. Ine nkukhumba kuti ndikorane chasa na iwe, nkhanira muno. Ine nkhuwonga kusimikizga kwako. Chiuta wakutumbike iwe.

²⁷³ Zanga kuno. Chiuta wakutumbike iwe. Ine nkhuwonga kusimikizga kwako, kuti wapanga mayimiro . . .

. . . kundijumphirira ine.

Muponoski . . .

²⁷⁴ Vichi? “Ukwati wa Mwanamberere wafika, ndipo Mkwatibwi Wake wajinozgekereska Iyomwene.”

. . . kulira kwakujikhizga;

Apo pa . . .

Kundijumphirira yayi ine. (Vichi?)

Ine nkugomezga mu kurumba Kwinu pera,
Kasi ine ndipenje chisko Chinu;
Chizgani wane wakupwetekesa, mzimu
wakusweka, (Uko Mazgu ghacheke.)
Ndiponoskeni ine mwa uchizi Winu.

Muponoski, Muponoski,
Pulikani kwane kwakujikhizga . . .

Apo Imwe mukuchema wanyake,
O, kundijumphirira yayi ine.

²⁷⁵ Kumbukirani, Mzimu Mutuŵa ndiwo wangumuchekani imwe mu mtima winu, ndipo imwe mwafika apa. Ghanaghanani waka za malo uko Iyo wacheka, ndipo munthu yura ntha wakhallenge umoyo wauzereza ula. Iwo nyengo zose wakumbukirenge icho. “Usange mitima yithu yikutisuska yayi ise.” Kweni para iwe wafika na chinyake mu Mazgu gha Chiuta, ndipo iwe ukuchilambala ichi, iyo ntha ndi Mbewu ya Abraham. Abraham wakasunga phangano la Chiuta mu mtima wake, kwambura kupwerera icho chikiza panji chikaruta.

²⁷⁶ Ine nkhuwonga wose aŵa wâyimirira pa guwa. Lurombo lane kwa imwe, ndakuti Chiuta wapereke kukhumba kwa mtima winu usiku uwu, ndipo wamupangeni imwe wânthu wâtuŵa wenecko.

²⁷⁷ Wabale wanyake wâničhi aŵa, uku ndi Wamwenye, Spanish, wâ ku Mexico, wose wâyimirira zingirizge, wânthu awo wâli kuyowoya kuti Mbakhristu, panyake, kwa virimika, kweni wâwona kuti uku ndi kwananga. Iwo wâkukhumba kuchita makora. “Wakutumbikika ndi iwo weneawo wâli na njara na nyota ya urunji, pakuti iwo wâzuzgikenge.” Wasuskika,

mbakunozgeka kunozga ichi na Chiuta, kwizira mu maguwa gha moto gha cheruzgo cha Chiuta.

²⁷⁸ Mukwenera kuti mukakumane nacho ichi kumalo kunyake, wabwezi. Imwe mukwenera kuti mukakumane nacho ichi kumalo kunyake, ntheura kumanani nacho ichi pano. Rekani kulindizga mpaka mlenji. Imwe panji mungakomeka usiku uwu, mu ngozi, mukuruta kunyumba.

²⁷⁹ Nkhanira mwasonosono mu ungano, ine nkhaŵachemera ku guwa, ndipo—ndipo ine nkhachema, ngati ndiumo kukaŵira mu Ohio. Ndipo usiku ula, ine nkhafumamo mu nyumba, ndipo nkhaŵa kuti ndaruta pafupifupi maminiti fiftini. Ine nkhapulika munyake wakuchemerezga, kumphepete kwa msewu. Ine nkhayimirira, nkharuta kudera kula. Galimoto yikachita ngozi, yikaganda yinyake. Ndipo mwanakazi uyo wakakhala kula, wamantha chomene, iyo wakavura mphete yake, iyo wakachita mantha chomene. Iyo wakafwa. Ndipo iyo wakayowoyanga kwa mwana wake mwanakazi, pa msewu kula, uyo wakayendeskanga galimoto. Iwo wakamutorera kula, kunozgekera wa kuchipatala. Ndipo wose wâwiri wakwenera kuti wafike ku guwa. Ndipo mwana mwanakazi wakati, “Amama, mazgu ghaumaliro iyo wakayowoya kwa ine pambere galimoto yindachite ngozi, ‘Ine nanguchita kwananga usiku uwu. Ine nkhumanya ine nanguchita.’” Ndipo kula umoyo wake ukachemeka.

O, imwe mukuti, “Icho chingachitika yayi kwa ine.” Ichi panyake. Ichi panyake.

²⁸⁰ Ndipo uli usange Mzimu Mutuŵa wakumususkani yayi imwe na kumuphalirani imwe kuti mwananga? Ntheura iwe urutenge kunjira mu Muyaya ngati ntheura. Ndipo iwe ukumanya, na mtundu ula wa mzimu, iwe ungachita yayi ichi. Bwana, laŵiska kumanyuma mu umoyo wako, wona umo iwe ukakhalira. Ndipo laŵiskani kumanyuma kula ndipo muwone usange uwu nguweme, umoyo wakujikhizga wa Khristu, kukoleranangako na Mazgu Ghake ghose. Usange uli ntheura yayi, ipo zanga unoze ichi. Kuli... Chifukwa—ntchifukwa uli mukutora chakubwerekera, penepapo mitambo njakuzura na vitumbiko vy'a chipentekosite cheneko ivyo vitozgenge mtima winu, vituŵiskenge uzima winu? Ndi unenesko yayi uwo?

²⁸¹ Kasi ndi wapharazgi walinga wali muno usiku uwu? Ine nkhukhumba mwaŵabale wanyake imwe kuti mwize kuno na ise. Icho chiri makora, m'bale? Enya. Zanga kuno, muchitenge imwe, miniti pera, wabale? Uwo mbunenesko.

²⁸² Yesu wakayowoya, mu Mazgu Ghake, “Iyo mweneuyo wakupulika Mazgu Ghane, ndipo wakugomezga pa Iyo uyo wakandituma Ine, wali na Umoyo Wamuyirayira; ntha wazamkunjira mu kususika, kwesi wajumphwa nyifwa

wafika ku Umoyo.” Yohane Mutuŵa 6 wakati, “Ndipo Ine ndizakumuwuska iyo kamozaso pa dazi laumaliro,” chiwuka.

²⁸³ Mwanthu, ise, ise tikwenera kuti tigomezge icho. Ise tikwenera kuchita ichi. Ichi chikwenera kuti chichitike. Ntheura... Uku ntha ndi kujijirika. Kujijirika kukwendezgana na ichi, nkhumanya. Uwo mbunenesko. Kweni nkhanira apa njakuti, ndi mtima wakujiperekwa.

²⁸⁴ Torani waka Mazgu gha Chiuta, ndipo yowoyani, “Chiuta, ine nkhananga. Ine nkhupepiska kuti ine nkachita icho. Imwe mukuwumanya mtima wane. Ine nkhananga. Nkhanira muno pa malo agha, ine nkuvumbura kwananga kwane. Ndipo kufumira usiku uwu, na kunthazi, ine nijiperekenge kwa Imwe. Ine ndine gawo la Mkwatibwi. Ine nichitengeso yayi *icho*; kuzomerezga yayi ukali wane uninjire kamozaso. Ine ndi—ine nichitenge ngati dona. Ine nichitenge ngati bwana. Ine nichitenge vinthu ivyo Baibolo likuyowoya kuti nichite. Ine ndimutoreninge Imwe sono nkhanira pa Mazgu Ghinu.” Ntheura imwe mukufika pamalo ghanyake.

²⁸⁵ Imwe mukugomezga icho, wapharazgi wa Ivangeli? Ndi Unenesko uwo? Uwo mbunenesko.

²⁸⁶ Sono, tiyeni tisindamiske mitu yithu mu kuromba sono, waliyose waka wa imwe, mu nthowa yinu mwaŵene.

²⁸⁷ Kumbukirani, nkhanira pafupi na imwe pali Khristu. Kunthazi kwinu, pano pa guwa, payimilira Wakristu wakuromba. Kumanyuma kwinu; wapharazgi wa Ivangeli wakuromba. Sono, icho chikumuŵikani imwe mu kaŵiro ka kuromba.

²⁸⁸ Sono, kuvumbura kwinu, mu mitima yinu, mu nthowa yinu mwaŵene: “Fumu, ine ndananga. Ine nkuphepiska, Fumu, ine nkachita vinthu ivi. Ine sono nkuvumbura kwananga kwane. Ine nkugomezga pa Imwe. Ine nkhumuzomerani Imwe sono. Ine nkukhumba kuwa gawo la Mkwatibwi. Mu Zina la Yesu ine nkhuromba.”

Sono, sungani kuvumbura kwinu pa mtima winu sono. Sono ine ndimurombereninge imwe.

²⁸⁹ Wadada Wakuchanya, umo chikundikwenyerezgera ine nyengo zinyake para nkhuwona wānthu awo wākundiitemwa ine, na kuwona umo Imwe mukughatorera Mazgu na kughaperekwa Igho kula. Agha ghakuŵacheka waka kufika ku mongo wa viwangwa, kweni pamanyuma Imwe mukwiza kuti mukhozgere uwu kuwa Unenesko. Uwu ndi Unenesko.

²⁹⁰ Apa payimirira wānarumi na wānakazi, nanga ndi madona ghachokoghachoko, wāsungwana wāchokowāchoko wāyimirira apa na mitu yakusindama, ndipo masozi mu maso ghawo, nkhanira pa mphambano ya umoyo. Ine nkughanaghana uko iwo nthena wāngumalira, kusika kula mu kugwenyuka kula,

gwenyu-na-kunkhuru, wakoreka na devulu, gulu la kukoreka na mademone. Iwo wali apa, wayimirira apa usiku uwu na mitima yakusindama, wakukhumba chinyake icho iwo wangamanya kuwikapo mawoko ghawo, kuti wayowoye, “Fumu Chiuta, nditozgeni ine ku vinthu vyose nya charu.”

²⁹¹ Apa pali wanarumi wa msinkhu wapakatikati, wanarumi wanichi, wanakazi walara, wanakazi wanichi, wose wayimirira pamoza. Iwo wakuvumbura kuti iwo wananga. Imwe mwanguyowoya ku mtima wawo; iwo nthena wanguwa apa yayi. Ichi chikuwoneska kuti iwo nthena wanguyamuka yayi kufuma mu mipando yawo, kwambura kuti chigamuro chikapangika kale. Mzimu wa Chiuta wanguwa pafupi na iwo, ndipo—ndipo wanguti, “Iwe wananga.”

Ndipo umoyo wawo uchoko wanguti, “Fumu, ipo ine nkukhumba Imwe.”

Ndipo devulu wanguti, “Khala chete.”

²⁹² Kweni Mzimu wa Chiuta wanguti, “Nyamuka.” Ndipo iwo wfika mu kupulikira, ndipo wayimirira apa pa guwa.

²⁹³ Sono, umo ine ndawerezgerapo kwa Imwe Mazgu Ghinu, “Iyo mweneuyo wizenge kwa Ine, Ine munthowa yiriyose ndimutayenge yayi. Nangauli zakwananga zinu zingawa ziswesi, izi ziwenge zituwa ngati nyathutwe; ziswesi ngati ndopa, zituwa ngati weya. Zanga ndipo ugure kwa Ine, vinyo na mafuta. Uchizi wane ngwakukwanira. Iyo mweneuyo wakupulika Mazgu Ghane, ndipo wakugomezga pa Iyo mweneuyo wakandituma Ine, wali na Umoyo wamuyirayira; ndipo wazamkunjira mu Cheruzgo yayi, kweni wajumpha nyifwa wafika ku Umoyo. Ndipo sono ukwati wa Mwanamberere wafika, ndipo Mkwatibwi wajinozgekereska Iyomwene.”

²⁹⁴ Wadada, iwo Mbinu. Iwo ndi vikho nya Mazgu Ghinu. Iwo wali muno kuti wachapike na maji gha Mazgu, chifukwa ndi Ivangeli lathunthu. Iyi ntha ndi nyengo yakulekerera. Uwu ukucheka, kuti ufiye ku malo gha wana. Uwu ukuzgura misisi, misisi ya ukali, a—a—misisi ya kureka kupwerera, misisi ya charu. Fumiskanimo ivi, Fumu, kwizira mu Mzimu Mutuwa. Vikhale kutali na wantru awa.

²⁹⁵ Ine nkhuwarombera iwo kwa Imwe usiku uwu, Yesu, ngati chuma Chinu mwaewene, ngati vitoweskero mu mphumphu Yinu, ngati mamembara gha Mkwatibwi Winu. Ine nkhurombera maumoyo ghawo. Ine nkhuromba na mtima wane wose, na wapharazgi awa, wateweti awa wa Chiuta wamoyo. Ine nkhuromba kuti Imwe mufumiskeko kwa iwo, Fumu, vinthu nya charu, na kuwapa iwo chikanga kuti wayimirire panthazi pa Satana. Perekanu ichi, Fumu. Ise tikugomezga kuti Imwe muchitenge ichi. Imwe mukati, “Rombani Wadada chirichose mu Zina Lane, Ine ndichitenge ichi.” Sono, Imwe ntha mukati, “U,

panyake Ine ndichitenge ichi.” Imwe mukati, “Ine ndichitenge ichi.” Ndipo ine nkugomezga kuti uwu ndi unenesko.

²⁹⁶ Sono, kuli kulembekaso mu Malemba, “Mu Zina Lane iwo wafumiskenge viwanda.” Ndi devulu uyo watorenge dona mwanichi panji mwanakazi, na kunanga umoyo wake. Ndi devulu uyo watorenge mwanarumi na kunanga umoyo wake. Ndipo ine ndiwerezgenge nkhanji yichoko iyi, Fumu, mu kuromba kwane. Ndipo ine nkuromba kuti Imwe mundipulikenge ine, ndipo muzgorenge kuromba kwane, kuti walijose wa awa wapemphererekenge usiku uwu kuwa vitoweskeroyya Ufumu. Iwo wafika. Ndipo ine nkuyenera kuti nkazgore pa mazgu ghane usiku uwu. Ndipo apa iwo wafika kuti wayime na ine, na kutora malo ghithu kufupi kwa Khristu.

²⁹⁷ Sono, Satana, iwe waluza ichi. Iwe ukawezgera wachoko wa iwo kumanjuma, kweni iwe ukawina yayi nkondoro. Yesu wakati, “Iyo mweneuyo wakwiza kwa Ine, Ine munthowa yiriyoze ndimutayenge yayi.”

²⁹⁸ Satana, ine nkukuphalira iwe, kuti dazi limoza kuka wa mnyamata muchoko uyo wakaliskanga mberere za dada wake. Ndipo nkharamu yikiza ndipo yikakorapo yimoza ya izo, yikaruta nayo, kuyinyamura iyi mwankhaza, ndipo yikarutanga kuti yikarye iyi. Kweni mliska muchoko muneneska uyu, iyo waka wavye vinandi kweni regena, kweni iyo waka wa na chipulikano mwa Chiuta wamoyo. Iyo wakayirondezga nkharamu yira, ndipo iyo wakayisanga iyo, ndipo iyo—iyo wakakoma iyi. Iyo yikamurotokera iyo, ndipo iyo wakayikora ku mwembe wake ndipo wakakoma iyi. Iyo wakatora mberere kufuma mu mlomo wake, wakayitorera iyi ku utheka kuti yikapokere machirisko ghake.

²⁹⁹ Iwe wakora mberere zakuzirwa izi za Chiuta, madona agha, agho ukawapangiska kuti wadumure sisi lawo na kuchitanga vyakuphakaphaka, ndipo wakuwoneka ngati vinthu ivyo Baibolo likususka, ndipo iwe ukaghanaghana kuti iwe uka wakora iwo. Kweni ine nkhwiza na regena lichoko ili la lurombo. Ine nkuwapokeska iwo usiku uwu. Iwe uwasingulirenge yayi iwo munthowa yiriyoze. Iwe waluza nkondoro. Wantru wakutemweka awa wayimirira apa, wanamberere wa Chiuta, wamasure iwo. Ise tikukulangura iwe, mu Zina la Fumu Yesu Khristu. Ine nkhuwika pakatikati pa vizgo wezi ivi na maukali, na mauzagħali na chirichose icho chingawako, ine nkhuwika Ndopa za Yesu Khristu, mwa chipulikano, pakatikati pa iwo na chinthu chira kamozaso. Iwe uwakorengeso yayi iwo munthowa yiriyoze. Iwo wali mu munda wa Wadada. Iwo ndi wana Wake. Wareke iwo. Mu Zina la Yesu Khristu, ine nkukulangura iwe.

³⁰⁰ Kulije devulu mu gehena wangamukhwaskani imwe, usange imwe mugomezgenge icho. Imwe mwabenekereraka na

Ndopa. Imwe mwazingirizgika na lurombo, wapharazgi wā Ivangeli, na mathenga gha phangan, lurombo. Waliyose wa imwe wayimirira apa, zaninge kuno, kumanyanga kuti imwe mukawā na vizgówezi, vyakwanangika, na vinthu ivyo imwe mukachitanga navyo soni. Usange imwe sono mungaŵika ivi pa guwa la moto wa Chiuta la cheruzgo, ndipo muzomerenge ichi sono ngati chigowokero chinu, kuti Khristu wapereka ichi kwa imwe, kasi imwe mupangenge kuzomerezga uko mwa chipulikano, kuti mukwezge woko linu na kuti, “Ine sono nkhuchizomera ichi. Ichi chamara. Ndipo kufumira dazi ili na kunthazi, ine ndichitengeso yayi ichi”? Imwe mukuponoskeka kwizira mu Ndopa za Yesu Khristu. Amen. Amen. Marumbo gharute kwa Chiuta.

Kasi walipo munyakeso wakukhumba kuti wafike, wajoyine gulu ili?

³⁰¹ Kasi walimo munyake murwari mu nyumba iyī, wakukhumba kuti wayimirire kuti warombereke pa nyengo iyī? Yimirira.

³⁰² Ine nkhukhumba waliyose wa imwe muno, usange iwe nthā ndiwe—usange iwe nthā ndiwe membara wa mpingo unyake uweme wa Ivangeli lose, ruta ku umoza, umoza uwu usange iwe ungachita, usange iwe ukukhala kufupi kuno. Ukakumane na mliska ndipo ukabapatizike. Ndipo ntheura usange iwe undapokere Mzimu Mutuwā, romba Chiuta kuti wakupe Mzimu Mutuwā ndipo wakuzuzge iwe, wakupange iwe membara wa Mkwatibwi.

³⁰³ Laŵiskani kudera kula, wābale, pa wānthu wārwari. Devulu waŵasungilirenge yayi wānthu wāra. Iyi ndi nyengo yakumasurika. Aleluya! Mukugomezga yayi icho?

Tiyeni tisindamiske mitu yithu kuti tirombe.

³⁰⁴ Ndipo waliyose wa mwaŵanthu imwe kuwaro uko, uyo wali na urwari, imwe mwaŵeneimwe mwayimirira, ūkani mawoko ghinu pa yumoza na munyake. Yesu Khristu wakati, “Vimanyikwiro ivi viŵarondezgenge weneawo wakugomezga. Usange iwo wāwika mawoko pa wārwari, iwo wāchirenge.” Ūkani mawoko ghinu pa yumoza na munyake. Sono, kujiromba wekha yayi. Iwe urombera munthu uyo iwe wāwīkapo mawoko ghako, chifukwa iwo wākukurombera iwe.

Tiyeni tirombe pamoza sono ngati Mpingo wa Chikhristu.

³⁰⁵ Fumu Yesu, ise ndise wākuwonga chifukwa cha kutonda usiku uwu, mauzima kwizanga kwa Imwe. Sono, devulu wanyekezga zinyake za mberere Zinu, na urwari. Ise tikwiza kuŵapokeska iwo wāwerek. Ndipo ngati Mpingo wa Chiuta wamoyo, ise tikumuchenya devulu, ndipo tikuti, “Wāmasure wānthu wārwari aŵa, Satana. Ise tikukulangura iwe mu Zina la Yesu Khristu, mwakuti iwo wāngamanya kuchizgika.” Baibolo likati, “Vimanyikwiro ivi viŵarondezgenge weneawo

ŵakugomezga. Usange iwo ŵawîka mawoko pa ŵarwari, iwo ŵachirenge.” Ilo ndi phangano la Chiuta, ndipo ise tikumanya kuti uwu ndi unenesko. Iwo ŵakuchizgika na vitimbo vyâ Fumu Yesu Khristu.

³⁰⁶ Sono, usange imwe mukugomezga ichi, kwezgani muchanya mawoko ghinu ndipo murumbeni Iyo. Amen.

³⁰⁷ Viri makora, mliska, chose ntchako. Chiuta wakutumbike iwe, m’bale. Ntchiweme chomene kuŵa na iwe usiku uwu. Chiuta waŵe nawe.

Chiuta wamutumbikeni imwe, ŵabale kuno. 

62-0121E Ukwati Wa Mwanamberere
Fellowship Tabernacle
Phoenix, Arizona U.S.A.

CHITUMBUKA

©2024 VGR, ALL RIGHTS RESERVED

VOICE OF GOD RECORDINGS, MALAWI OFFICE
P.O. Box 51453, LIMBE, MALAWI

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Chimanyisko chakukopera

Wanangwa wose ngwakuvikiririka. Buku ili lingamanya kudindika pa chakudindira cha kunyumba kuwa lakugwiriskira ntchito imwe panji kuti liperekeke, kwaulere kwambura mtengo, nga ndi lakugwiriskira ntchito kutandazgira Ivangeli la Yesu Khristu. Buku ili ntha lingaguriskika, kupangikaso mu unandi, kutumizgika pa website, kusungika umo tingazakalisangiraso, kutanthauzika mu viyowoyero vinyakhe, panji kuligwiriska ntchito pa kupempheskera ndalamu kwambura kalata yakulembeka kuzomerezgeka na Voice Of God Recordings®.

Kuti mumanye vinandi panji kusanga katundu munyakhe uyo waliko, chonde fumbani:

VOICE OF GOD RECORDINGS, MALAWI OFFICE
P.O. Box 51453, LIMBE, MALAWI

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.

www.branham.org